

BESTELAKO XEDAPENAK

ENERGIAREN EUSKAL ERAKUNDEA

1320

EBAZPENA, 2022ko martxoaren 8koa, Energiaren Euskal Erakundeko zuzendari nagusiarena, ekonomiaren hainbat sektoretan energia termiko berriztagarrien instalazioak ezartzeko pizgarri-programa arautzen duten oinarriak onartzen, deitzen eta argitaratzen dituena, Suspertze, Eraldatze eta Erresilientzia Planaren esparruan.

Ekonomiaren Garapen, Jasangarritasun eta Ingurumen Sailaren mendeko Zuzenbide Pribatuko Erakunde Publikoa den EEERI eskumena eman zaio energia aurrezte eta energia-efizientzia, energia-baliabide berriztagarriak eta energia-dibertsifikazioa bultzatzeko eta energia-azpiegiturak sustatzeko jarduketak gauzatu ditzan, Euskal Autonomia Erkidegoaren esparruan.

Ildo horretan, EEE hainbat ekintza garatzen ari da 2030erako 3E-2030 Euskadiko Energia Estrategian jasotako helburuak betetzeko. Jarduketa horien artean aipatzekoak dira zenbait laguntza-programa, izan ere, programa horien bidez energia-efizientzia eta energia-berriztagarrien aprobetxamendua sustatu nahi baita jarduera-sektore guztietan.

Suspertze, Eraldatze eta Erresilientzia Planaren esparruan energia berriztagarri termikoen instalazioak ezartzeko pizgarri-programak egikaritzeko autonomia-erkidegoei eta Ceutako eta Melillako hiriei laguntzak zuzenean ematea onartzen duen abenduaren 21eko 1124/2021 Errege Dekretuaren bidez, zeina 2021eko abenduaren 22ko 305. zenbakiko Estatuko Aldizkari Ofizialean argitaratu baitzen, ekonomiaren hainbat sektoretan –sektore publikoa barne– instalazio berriztagarri termikoak ezartzeari lotutako pizgarriak emateko oinarri arautzaileak ezarri ziren.

1124/2021 Errege Dekretuko 10. artikuluko 2. atalean ezarritakoa betez, Ekonomiaren Garapen, Jasangarritasun eta Ingurumeneko sailburuak eta EEERIko zuzendari nagusiak formalki jakinarazi zion IDAE Energia Dibertsifikatzeko eta Aurrezteko Institutuari Euskal Autonomia Erkidegoari emandako dirulaguntza espresuki eta argi eta garbi onartzen zuela, Errege Dekretu horri erabat lotuta egonik guztira 8.941.671 euroko diru-kopurua dena.

Programa hori egikaritzea lagungarria izango da Europar Batasunaren araudian ezarritako ingurumen- eta energia-helburuak Euskal Autonomia Erkidegoan lortzeko, ekonomiaren hainbat sektoretan –sektore publikoa barne– instalazio berriztagarri termikoak ezartzearen bidez.

Azaldutako guztia dela-eta, honako hau

EBATZI DUT:

Lehenengoa.– EEERIko organo errektoreen funtzioak arautzen dituen martxoaren 5eko 64/1985 Dekretua bigarren aldiz aldatzen duen otsailaren 3ko 10/2015 Dekretuan ezarritakoa betez, ekonomiaren hainbat sektoretan energia berriztagarri termikoen instalazioak ezartzeko pizgarri-programari dagozkion oinarri arautzaileak eta deialdia onartzea, Suspertze, Eraldatze eta Erresilientzia Planaren esparruan, horren edukia ebazpen honi lotu zaiolarik I. eranskin gisa.

Bigarrena.– Euskal Autonomia Erkidegoko Ogasun Nagusiaren antolarauei buruzko legearen testu bategina onartzen duen azaroaren 11ko 1/1997 Legegintzako Dekretuaren 49.2 artikuluari jarraikiz, Suspertze, Eraldatze eta Erresilientzia Planaren esparruan ekonomiaren hainbat sektoretan energia berriztagarri termikoen instalazioak ezartzeko pizgarri-programari dagozkion oinarri arautzaileak onartzeko ebazpen hau, oso-osorik, Euskal Herriko Agintaritzaren Aldizkarian argitaratzea.

2022ko martxoaren 21a, astelehena

Hirugarrena.– Ebazpen honek bide administratiboa agortzen du; hortaz, nahi izanez gero, berraztertze-errekurtsoa aurkeztu ahal izango zaio EEEko zuzendari nagusiari, EHAAAn argitaratu eta hurrengo egunetik hasita hilabeteko epean, edo administrazioarekiko auzi-errekurtsoa aurkeztu ahal izango da Bilboko Administrazioarekiko Auzietarako auzitegietan, EHAAAn argitaratu eta hurrengo egunetik hasita bi hilabeteko epean.

Bilbao, 2022ko martxoaren 8a.


Energiaren Euskal Erakundeko zuzendari nagusia,
IÑIGO ANSOLA KAREAGA.



ERANSKINA

Ekonomiaren hainbat sektoretan energia berriztagarri termikoen instalazioak ezartzeko pizgarri-programa, Suspertze, Eraldatze eta Erresilientzia Planaren esparruan.

Oinarriak



Ekonomiaren hainbat sektoretan energia berriztagarri termikoen instalazioak ezartzeko pizgarri-programa, Suspertze, Eraldatze eta Erresilientzia Planaren esparruan.

1. Programaren xedea, araubide juridikoa eta pizgarriaren izaera

1.1. 2021eko abenduaren 22ko 305. Estatuko Aldizkari Ofizialean argitaratuz, *Suspertze, Eraldatze eta Erresilientzia Planaren esparruan energia berriztagarri termikoen instalazioak ezartzeko pizgarri-programak egikaritzeko autonomia-erkidegoei eta Ceutako eta Melillako hiriei laguntzak zuzenean ematea onartzen duen abenduaren 21eko 1124/2021 Errege Dekretuak* (hemendik aurrera, **1124/2021 ED**), ekonomiaren hainbat sektoretan —sektore publikoa barne— instalazio berriztagarri termikoak ezartzeari lotutako pizgarriak emateko oinarri arautzaileak ezartzen ditu.

1124/2021 Errege Dekretuaren xede diren dirulaguntzak, Suspertze, Eraldaketa eta Erresilientzia Planaren barruan daude eta 2021eko otsailaren 12ko Europako Parlamentuaren eta Kontseiluaren (EB) 2021/241 Erregelamenduak ezarritako Europako Suspertze eta Erresilientzia Mekanismoak finantzatuko ditu, Programa honetan bildutako jarduketak (11) «Energia berriztagarria berritzaileen garapena» 1. inbertsioaren jarduketa-paketeetan barne hartuta dauden neurrian, betiere (70) «Energia berriztagarrien zabalkundea eta integrazioa» 7. osagaiaren eraikuntzan eta produkzio-prozesuetan integratuta.

Energia berriztagarri termikoen zabalkundea bultzatzea da programaren helburua. Hala, instalazio termiko berriztagarrien ezarpena erraztu nahi da Programa honetan zehaztutako sektore ekonomikoetan, horrela, sektore publikoaren bizitegirakoak ez diren eraikin, establezimendu eta azpiegituretan ezartzearekin batera, energia berriztagarrietatik eratorritako energiaren erabilera sustatzeari buruzko 2018ko abenduaren 11ko Europako Parlamentuaren eta Kontseiluaren (EB) 2018/2001 Zuzentarauan eta 2021-2030 aldirako PNIET planean ezarritako helburuak betetzen laguntzeko, baita epe luzearako Deskarbonizazio Estrategia martxan jartzen laguntzeko ere, Euskal Autonomia Erkidegoko (hemendik aurrera, «EAE») lurraldean iturri berriztagarrietan oinarritutako teknologia garbiak ezartzeko inbertsioak mobilizatzearen. Programa hori lagungarri izango da, halaber, enplegua sortzeko eta jarduera ekonomikoa suspertzeko, hurbiltasun-osagai nabari batekin eta kapilaritate-maila handiarekin, erregai fosilen inportazioen murrizketatik eta EAEko enpresen lehiakortasunaren hobekuntzatik eratorritako onuraz gainera.

1124/2021 Errege Dekretuaren xedea da mugikortasun elektrikoari lotutako bi pizgarri-programa onartzea, biak ere Suspertze, Eraldatze eta Erresilientzia Planaren esparru orokorraren eremuan, honako hauei buruzkoak:

- **1. pizgarri-programa:** Industriako, nekazaritza eta abeltzaintzako, zerbitzuetako, eta ekonomiaren beste zerbitzu batzuetako —bizitegi-sektorea barne— sektoreetan energia berriztagarri termikoen instalazioak egitea.
- **2. pizgarri-programa:** Sektore publikoko bizitegitarako ez diren eraikin, establezimendu eta azpiegituretan energia berriztagarri termikoen instalazioak egitea.

Aipatzekoa da, gainera, 1124/2021 Errege Dekretutik eratorritako laguntza-programa honen deialdia justifikatzen duten arrazoi eta helburuak erabat lerrokatuta daudela Eusko Jaurlaritzaren Energia Politikaren helburuekin, hau da, 2030erako Euskadiko Energia Estrategia dokumentuan (3E2030) gauzatutakoekin. 2030erako Euskadiko Energia Estrategiaren misioa, beharrezkoa den bultzada publikoaren bidez, energia-kontsumoan efizientzia gehitzekoa da eta, horrekin batera, energia-sistema lehiakorrago, jasangarriago eta seguruago bat lortzea, ingurumen-inpaktua gutxituenez, kontsumorako edo produkziarako energia gutxiago beharkoenez, eta kanpo energia-baliabideekiko dependentzia murriztukoenez.




- 1.2. Aipatutako 1124/2021 Errege Dekretuaren bidez adostu da ekonomiaren hainbat sektoretan — sektore publikoa barne— instalazio berriztagarri termikoak ezartzeko pizgarriak zuzenean ematea, Suspertze, Eraldatze eta Erresilientzia Planaren esparruan, autonomia-erkidegoei eta Ceuta eta Melilla hiriei, ezarritako banaketa-irizpideei jarraikiz, 150 milioi euroko zenbatekoaz, dekretuaren V. Eranskinean finkatutakoari jarraikiz, EAEren kasurako 8.941.671 euroko zenbatekoaz zehazki.

2021eko otsailaren 12ko Europako Parlamentuaren eta Kontseiluaren (EB) 2021/241 Erregelamenduak ezarritako Suspertze eta Erresilientziarako Europako Mekanismoak finantzatzen ditu Suspertze, Eraldaketa eta Erresilientzia Planean bildutako programa honek araututako pizgarriak, 2021. urteko Energia Dibertsifikatzeko eta Aurrezteko Institutuko Aurrekontu Orokorretan esleitutako zenbatekoen bitartez.

Horrenbestez, Europako Suspertze, Eraldatze eta Erresilientzia Planaren esparruan ekonomiaren hainbat sektoretan energia berriztagarri termikoen instalazioak ezartzeko pizgarrien Programa honetara (aurrerantzean «Programa» edo «Laguntza-programa») bideratutako hornidura ekonomikoa 8.941.671 euro da, ENERGIAREN EUSKAL ERAKUNDEAREN (aurrerantzean «EEE») aurrekontuetan ezarritako kredituaren arabera.

Behin zuzeneko inbertsioak egiteko aurrekontuaren % 10 eta dagozkion zeharkako kostuak kenduta (% 3), laguntzen azken hartzaileei bideratutako gehieneko zenbatekoa **7.779.253,77 euro** izango da, hori guztia 3. Oinarrian adierazitako banakapenari jarraikiz.

- 1.3. Dirulaguntzei buruzko azaroaren 17ko 38/2003 Legearen 8.1 artikulua arabera 2022ko otsailaren 23an egindako bileran, EEEren Kontseiluak erabaki zuen, besteak beste, 2022. urterako EEEren Dirulaguntzen Plan Estrategikoa onartzea, laguntza-programa hau horren barruan dagoelarik. EEEren 2022rako Dirulaguntza Plan Estrategikoa honako helbide honetan dago eskuragarri: <https://www.eve.eus/Corporativo/Portal-de-Transparencia/EVE.aspx>
- 1.4. Laguntza-programa honen barruan ematen diren dirulaguntzak itzuli beharrik gabeko dirulaguntzat hartuko dira.
- 1.5. Laguntza horien eta Estatuko laguntza-alorreko erregulazioaren arteko bateragarritasunari dagokionez, honako hau adierazi behar da:
- 1. pizgarri-programa merkatuan ondasunak edota zerbitzuak eskaintzeko jardura ekonomikoren bat egiten duten azken hartzaileei zuzenduta dago, eta, hori horrela 2014ko ekainaren 17ko Batzordearen (EB) 651/2014 Erregelamenduan ezarritako betekizunak eta mugak bete beharko dituzte programa honetako laguntzek, horren arabera laguntza kategoria jakin batzuk barne-merkatuarekin bateragarritzat jotzen direlako Tratatuaren 107. eta 108. artikulua aplikatuz (aurrerantzean, «**651/2014 Erregelamendua**»), ingurumena babesteko laguntzen kategoriagatiko salbuespena aplikatuz (7. atala), aplikatzekoak izan litezkeen zuzenbide nazionalako zein Europar Batasuneko gainerako xedapenak bazter utzi gabe, bereziki 2021eko otsailaren 12ko Europako Batzordearen eta Kontseiluaren (EB) 2021/241 Erregelamenduak ezarritako Suspertze eta Erresilientzia Mekanismoa zein Suspertze, Eraldatze eta Erresilientzia Plana egikaritu eta kudeatzearen eremuan onartzen diren xedapenei dagokienez.
 - 2. pizgarri-programak, berriz, merkatuan ondasunak edo zerbitzuak eskaintzeko jardura ekonomikorik egiten ez duten azken hartzaileak ditu jomugan, horien artean, Europako Batzordeak jardura ekonomikoa sortzen ez duen entitateak izateko ezarritako betekizunak betetzen dituzten erakunde eta entitate publikoak. Horregatik, programa horien xede diren laguntzak ez dira estatu-laguntzat joko xede horretarako ezarritako Europako araudiaren aplikazioaren xedeetarako, aplikatzekoak izan litezkeen zuzenbide nazionalako zein Europar



Batasuneko gainerako xedapenei kalterik egin gabe, bereziki Suspertze eta Erresilientzia Mekanismoa zein Suspertze, Eraldatze eta Erresilientzia Plana egikaritu eta kudeatzearen eremuan onartzen diren xedapenei dagokienez.

Xede horretarako, eta 651/2014 Erregelamenduko 11. artikuluko a) letran ezarritakoa betez, Estatuak Europako Batzordeari bidali zion 1124/2021 Errege Dekretuaren bitartez araututako bi pizgarri-programei buruzko informazio laburtua (SA101275).

2. Laguntzen azken hartzaileak

2.1. Programa honen 4. oinarrian araututako inbertsioetarako laguntzen azken hartzaileak izango dira, betiere egoitza fiskala Espainian badute eta dokumentu honetan jasotako gainerako baldintzak betetzen badituzte:

- 1. pizgarri-programa: laguntzen azken hartzaileak honako subjektu hauek izango dira, betiere merkatuan ondasunak edo zerbitzuak eskaintzeko jarduera ekonomikoren bat egiten badute.
 - a) Pertsona fisikoak.
 - b) Pertsona juridikoak.
 - c) Sektore Publikoaren Araubide Juridikoaren urriaren 1eko 40/2015 Legearen (hemendik aurrera, «**40/2015 Legea**») 2.2 artikulua erreferentzia egiten dien administrazio publikoen arteko edozeinetako sektore publiko instituzionaleko edozein entitate, baita zuzenbide pribatuko entitateak edo irabazi-asmorik gabeko erakunde pribatuak ere.
 - d) Aurreko hiru puntuetako figuretako edozeinetako talde, elkarte, partzuergo zein beste edozein kolaborazio modutako erakundeak, nortasun juridikoarekin edo gabe.
- 2. pizgarri-programa: laguntzen azken hartzaileak honako subjektu hauek izango dira, betiere merkatuan ondasunak edo zerbitzuak eskaintzeko jarduera ekonomikoren bat egiten ez badute.
 - a) Toki Araubidearen Oinarriak arautzen dituen apirilaren 2ko 7/1985 Legearen 3. artikulua aurreikusitako lurraldeko toki-entitateak, edo aurrekoetz bestelako beste edozein tokiko edo tokiz gairik entitate, betiere legez eratu bada eta nortasun juridiko propioa badu.
 - b) 40/2015 Legearen 2.2 artikulua erreferentzia egiten dien administrazio publikoen arteko edozeinetako sektore publiko instituzionaleko edozein entitate, baita zuzenbide pribatuko entitateak edo irabazi-asmorik gabeko erakunde pribatuak ere.
 - c) Aurreko puntuko figuretako edozeinetako talde, elkarte, partzuergo zein beste edozein kolaborazio modutako erakundeak, nortasun juridikoarekin edo gabe.

2.2. Laguntzen azken hartzaileak izango dira, halaber, betiere azaroaren 17ko Dirulaguntzei buruzko 38/2003 Legeko 11.3 artikuluan ezarritakoa betetzen badute, pertsona fisiko edo juridikoen elkarteak, publikoak edo pribatuak, edo bereizitako beste edozein unitate ekonomiko edo ondare direnean, nortasun juridikoa izan gabe ere, proiektu, jarduerak edo portaerak gauzatu ditzaketenak edo dirulaguntza ematea dakarren egoeran daudenak.

2.3. Azken hartzaileek jasotzen duten laguntzaren zenbateko osoa dagozkion jarduketa subentzionaerriak ordaintzera bideratuko dute.

Arau hori aplikatuko da, halaber, pertsona juridikoen elkarteak, publikoak edo pribatuak edo bereizitako beste edozein unitate ekonomiko edo ondare direnean, nortasun juridikoa izan gabe ere, proiektu, jarduerak edo portaerak gauza ditzaketenak edo dirulaguntza ematea dakarren egoeran daudenak, dirulaguntzaren zenbatekoa eta obren kostua haietako kideen artean jasanarazi behar den alde batera utzita.



Dena den, haien kideetako bat Dirulaguntzei buruzko Legeko 13.2 artikuluan ezarritako debeku batean edo bat baino gehiagotan erortzen bada, jabe horri ez zaio esleituko jasotako laguntza horretatik esleituko litzaiokeen proportziozko zatia, eta zati hori gainerako kideen artean hainbanatuko da, betiere dagokion erakundeak betetzen jarraitzen badu azken hartzailea izateko eskatutako betekizunak.

- 2.4. 651/2014 Erregelamenduan ezarritako mugak aplikatzeko azken hartzailearen mota eta kategoria zehazteko, kontuan izango da 2003ko maiatzaren 6ko Batzordearen Gomendioaren (2003/361/EB) eranskinaren 2. artikulua, edo mikroenpresen, eta enpresa txiki eta ertainen definizioari buruzko 651/2014 Erregelamenduren I. Eranskina.
- 2.5. Era berean, merkatuan ondasunak eta/edo zerbitzuak eskaintzeko jarduera ekonomikoak garatzen dituzten pertsona fisikoak Foru Zerga Administrazioari Enpresaburu, Profesional eta Atxikitzaileen Erroldan alta emanda egon beharko dute.
- 2.6. Honako hauek ezin izango dira laguntzen azken hartzaile izan:

- a) Dirulaguntzei buruzko Legeko 13.2.g) artikuluan aurreikusitakoa betetzen ez dutenak Testuinguru horretan, azken hartzaileak sinatuko du, laguntza-eskaerarekin batera, erantzukizunpeko adierazpen bat, dirulaguntzak edo laguntzak itzultzeko betebeharririk ez daukala, edo, kasuan-kasuan, betebeharririk ez izana, egiaztatzen duena, Dirulaguntzei buruzko azaroaren 17ko 38/2003 Legearen Erregelamendua onartzen duen uztailaren 21eko 887/2006 Errege Dekretuko 21. artikulua horretan ezarritakoari jarraikiz betiere.


Azken hartzaileak egunean egon beharko du, halaber, Dirulaguntzei buruzko Legeko 13. artikuluan ezarritako gainerako betebeharrak betetzeari dagokionez, besteak beste, zerga-betebeharrak eta Gizarte Segurantzarekikoak betetzeari dagokionez, eta xede horretarako aintzat hartuko da azken hartzaileak laguntza-eskaera aurkeztearekin batera, administrazio-organo emaileari eta instruktoreari baimena ematen diela informazio hori zuzenean kontsultatzeko zerga-administrazioarekin edo dagokion Gizarte Segurantzaren Administrazioarekin, prozedura izapidetu bitartean beharrezkoa den guztietan.

- b) Krisi-egoeran dauden enpresak, 651/2014 Erregelamenduan eta krisian dauden enpresa ez-finantzarioen salbamendu eta berregituraketarako estatu-laguntzei buruzko Europar Batasuneko jarraibideetan xede horretarako egiten den definizioari jarraikiz (Batzordearen 2014/C 249/1 Komunikazioa, 2014ko uztailaren 31koa).
- c) Aurretik eman zaien edozein laguntzaren edo dirulaguntzaren gain berreskuratze-agindu baten mende dauden enpresak, legez kontrakoa eta barne-merkatuarekin bateraezina den laguntza gisa deklaratu delako, edo emakidan esleituta dituzten betebeharrak edozein modutan bete ez dituztelako.
- d) Herralde Pobretuekiko Justizia eta Elkartasunerako Gutunaren abenduaren 28ko 14/2007 Legea betetzeko, sozietatearen xedetzat edo dedikaziotzat osorik edo zati batean armen produkzioa, merkaturatzea eta finantzaketa duten enpresak.

3. Aurrekontu-hornidura eta eskaerak aurkezteko epea

Laguntza-programa honetara bideratutako hornidura ekonomikoa **7.779.253,77 euro**, da guztira, EEEren aurrekontuetan horretarako ezarritako kredituaren arabera, eta Oinarri hauetan aurreikusitako Pizgarri Programa bakoitzerako honako zenbateko hauen arabera banatua:

2022ko martxoaren 21a, astelehena



1. Pizgarri Programa. Industriako, nekazaritza eta abeltzaintzako, zerbitzuetako, eta ekonomiaren beste zerbitzu batzuetako —bizitegi-sektorea barne— sektoreetan energia berriztagarri termikoen instalazioak egitea.	6.071.394,61€
2. Pizgarri Programa. Sektore publikoko bizitegitarako ez diren eraikin, establezimendu eta azpiegituretan energia berriztagarri termikoen instalazioak egitea.	1.707.859,16€
GUZTIRA	7.779.253,77 €

Laguntza-programa honetarako laguntza-eskaerak aurkezteko epea 2022ko martxoaren 24an hasiko da, 08:00etan, eta haren indarraldia 2023ko abenduaren 31n amaituko da.

Adierazitako indarraldi hori amaitzean, ez da eskaera gehiago onartuko. Dena den, esleitutako aurrekontua agortzen bada eta betiere programaren indarraldia amaitu ez bada (2023ko abenduaren 31), eskaerak erregistratu ahalko dira behin-behineko erreserba-zerrendan, eta sarrera-ordenari zorrotz jarraikiz erantzungo zaie, aldez aurreko laguntza-eskaeretan izaten diren ezespren edo errebokazioen arabera, aurrekontua askatu ahalko luketenak, edo deialdian aurrekontu berri bat sartzen bada. Eskaera bat behin-behineko erreserba-zerrendara aurkezteak ez dio ezein eskubide sortuko eskatzaileari eskaera ebazten ez den arte.

Horrez gain:


- a. 1124/2021 Errege Dekretuaren 8. artikulua 3. atalean adierazitakoari jarraikiz, deialdi itxi eta ondorengo hilabeteetan pizgarri-programen artean dauden funtsen saldoa konpentsatzea ahalbidetuko da, ahalik eta eskaera kopururik handiena konprometitzeko.
- b. 1124/2021 Errege Dekretuko 5. artikulua 1. atalean eta 8. artikulua 5. atalean azaldutakoari jarraikiz, Programaren aurrekontua zabaltzeko aukera izango da, eskariaren eta proiektuen garapenaren arabera, baita mugarriak eta helburua betetzearekin lotutako aurrerapen-mailaren arabera ere, horretarako aurrekonturik balego eta betiere 3. oinarrian ezarritako programaren indarraldia amaitu ez bada.
- c. Azkenik, 1124/2021 Errege Dekretuko 14. artikuluan eta zehazki VI. Eranskinean adierazitakoarekin bat etorritik, Programa honi esleitutako aurrekontua murrizteko aukera izango da, ezarritako baldintzak, mugarriak eta helburuak betetz.

Epeak zenbatzeko, Herri Administrazioen Administrazio Prozedura Erkideari buruzko urriaren 1eko 39/2015 Legearen (aurrerantzean «**39/2015 Legea**») 30. artikuluan xedatutakoa egongo da indarrean.

4. Jarduketa subentzionagarriak eta laguntzen zenbatekoa

4.1. Jarraian zerrendatzen direnak izango dira jarduketa subentzionagarriak, eta, EAEn egikaritzeaz gain, **I. ERANSKINEAN** bakoitzerako ezarritako betekizunak bete beharko dituzte:

- 1. pizgarri-programa: Industriako, nekazaritza eta abeltzaintzako, zerbitzuetako, eta ekonomiaren beste zerbitzu batzuetako —bizitegi-sektorea barne— sektoreetan energia berriztagarri termikoen instalazioak egitea.
- 2. pizgarri-programa: Sektore publikoko bizitegitarako ez diren eraikin, establezimendu eta azpiegituretan energia berriztagarri termikoen instalazioak egitea.



4.2. Ez dira jarduketa subentzionagarritzat joko programa honetan araututako laguntzen bitartez, 2. oinarrian aurreikusitako azken erabiltzaileetako edozeinek egindakoa:

- a) Arrantzako eta akuikulturako produktuen sektorean, 651/2014 Erregelamenduko 1. artikuluko 3. atalean jasotakoari jarraikiz.
- b) Garraio-eremuan betebeharren sistema nazionalaren eraginpean dauden erregai-fabrikazioaren faseetako batean ere ez dauden proiektuetan.

4.3. Pizgarri-programa honek pizgarri-izaera duenez, laguntza-eskaeraren erregistro-dataren ondoren hasitako jarduketak onartuko dira bakarrik 1. programaren kasuan, eta 1124/2021 Errege Dekretua BOEn argitaratu zen dataren (2022ko abenduaren 22a) ondoren hasitakoak 2. programaren kasuan.

Aurrekoa aplikatzekoa da alde batera utzi gabe eskaera aurkezteko edo dagozkion inbertsioak burutzeko beharrezkoak diren prestakuntza-jarduketak, hala nola proiektua, memoria teknikoak, ziurtagiriak, miatze-zundaketak eta erantzun termikoko testak instalazio geotermikoen kasuan, horiek guztiak subentzionagarritzat hartu ahalko direlarik, eskaeraren aurretik fakturatuak izan badira ere, betiere prestakuntza-jarduketa horiek 1124/2021 Errege Dekretua BOEn argitaratu zen dataren (2022ko abenduaren 22a) ondoren hasi badira.

4.4. 1. pizgarri-programaren laguntzen azken hartzaileek jaso beharreko laguntzek, 651/2014 Erregelamenduan ezarritako betekizun eta mugak bete beharko dituzte, aplikatzekoak izan litezkeen Europar Batasuneko zuzenbideko gainerako xedapenei kalterik egin gabe, bereziki Suspertze eta Erresilientzia Mekanismoa zein Suspertze, Eraldatze eta Erresilientzia Plana egikaritu eta kudeatzearen eremuan onartzen diren xedapenei dagokienez.

Gainera, enpresa eta proiektu bati emandako laguntzek ezin izango dute inoiz 15 milioi euroko zenbatekoa gainditu.

4.5. Azken pertsona edo erakunde hartzaileek bermatuko dute ingurumenari kalte esanguratsurik ez eragiteko printzipioa (do no significant harm printzipioa - DNSH) eta etiketa klimatiko eta digitala erabat betetzen direla, Ministro Kontseiluak 2021eko apirilaren 27an onartutako Berreskuratze, Eraldaketa eta Egoitza Planean eta Europako Parlamentuaren eta Kontseiluaren 2021eko otsailaren 12ko 2021/241 (EB) Erregelamenduan aurreikusitakoaren arabera, Berreskurapen eta Egoitza Mekanismoa ezartzen duena, bai eta Espainiako berreskuratze eta erresilientzia Planaren ebaluazioa onartzeari buruzko Kontseiluaren Beteazpen Erabakian eskatzen dena ere. DNSH printzipioa betetzea bermatzen da, teknologia berriztagarri jakin batzuetarako **I. ERANSKINEAN** ezarritako betekizunen bidez, bai eta **II. ERASKINEAN** eskatzen den dokumentazioaren bidez ere.

4.6. Azken hartzaileentzako **laguntzen zenbatekoa** oinarri hauetako **III. ERANSKINEAN** ezarri da jarduketa subentzionagarritarako.

5. Dirulaguntzetarako muga orokorrak

5.1. **Laguntzen zenbatekoaren muga orokorra laguntzaren azken hartzailearen eta deialdiaren arabera** 4. oinarrian eta **III. ERANSKINEAN** jasotakoaren arabera.

5.2. Europako araudi aplikagarria

1. eta 4. oinarrietan aipatutakoari jarraikiz.



5.3. Bateragarritasun-erregimena beste laguntza batzuekin

Programa honen eremuan ematen diren laguntzak bateragarriak izango dira edozein administrazio publiko edo erakunde zein entitate publiko nazional edo nazioartekoen, bereziki Europar Batasunaren, beste programa edo tresnetako beste edozein laguntzarekin, baldin eta laguntza horrek kostu berberak eskatzen ez baditu, eta, metatuta, ez baditu kostu subentzionagarriak gainditzen, eta enpresak diren edo merkatuan ondasunak eta/edo zerbitzuak eskaintzeko jarduera ekonomikoren bat egiten duten azken hartzaileentzat 651/2014 Erregelamenduak ezarritako mugak gainditzen ez badira, eta betiere Europar Batasunaren Aurrekontu Orokorrari aplikagarriak zaizkion finantza-arauei buruzko 2018ko uztailaren 18ko Europako Parlamentuaren eta Kontseiluaren 2018/1046 (EB, Euratom) Erregelamenduan xedatutakoari jarraikiz.

5.4. Subentzionatutako jarduerak hirugarrenekin kontratatzea edo azpikontratatea

- a) Dirulaguntzei buruzko Legeko 29. artikuluan eta Dirulaguntzei buruzko Erregelamenduaren 68. artikuluan xedatutakoarekin bat etorriz, laguntzaren azken hartzaile batek azpikontratatzeko duela ulertuko da honako egoera hau gertatuz gero: dirulaguntzaren xedea den jardueraren zati baten edo jarduera osoaren egikaritzapena hirugarren batekin hitzartzen badu. Subentzionatutako den jarduera aurrera eramateko azken hartzaileak berak egingo dituen gastuen kontratazioa kontzeptu horretatik kanpo geratuko da.

Horri dagokionez, hirugarrenen azpikontratazioa edo kontratazioa subentzionatutako jarduketaren zenbatekoaren % 100 ere izan daiteke, eta subentzionatutako jarduketaren hirugarrenen azpikontratazio edo kontratazioarako, 29. eta 68. artikuluko horietan jasotako gainerako aurreikuspenak aplikatuko dira, eta laguntzaren eskatzaileak betiere mekanismoak ziurtatu beharko ditu azpikontratistek «kalte esanguratsurik ez eragiteko» printzipioa eta oinarri hauetan ezarritako baldintzak betetzen dituztela ziurtatzeko.

- b) Dirulaguntzei buruzko Legearen 31.3 artikuluan xedatutakoa betez, Sektore Publikoaren Kontratuaren Legearen (SPKL) aplikazio-araudia bazter utzi gabe, eskatzailearen izaera juridikoaren arabera, Kontratazio Publikoaz diharduen araudian ezarritako zenbatekoak gainditzen badituzte gastu lagungarriaren zenbatekoak, kontratu txikiari dagokionez (15.000 euro, BEZik gabe, zerbitzu eta horniduretarako, eta 40.000 euro, BEZik gabe, obretarako), azken hartzaileak gutxienez hiru (3) eskaintza eskatu beharko dizkie hornitzaile ezberdinei, obrarako konpromisoaren kontratazioa gauzatu, zerbitzua egin edo ondasuna eman aurretik, salbu eta, haren ezaugarri bereziengatik, merkatuan nahiko erakunderik ez baldin bada haiek gauzatu, eman edo hornitzeko, edo salbu eta dirulaguntza eman baino lehen egiten baldin bada gastua.

Aurkeztuko diren eskaintzen arteko aukeraketa, funtsean, efizientzia- eta ekonomia-irizpideak kontuan hartuta egingo da, baita aukeraketa espreski justifikatuta geratzea ere, baldin eta ekonomikoki onuragarria den proposamena ez denean.

6. Tramitatzeko kudeaketa eta prozedura

39/2015 Legearen 14. artikuluan xedatutakoarekin bat etorriz eta Administrazio Elektronikaz diharduen otsailaren 21eko 21/2012 Dekretuaren arabera (aurrerantzean «**21/2012 Dekretua**»), laguntzen programa honi lotutako espedienteen tramitazio guztiak (eskaerak, errekerimenduak, jakinarazpenak, zuzenketak eta gainerako kudeaketak) baliabide elektronikoak erabiliz egingo dira, Tramitagune Eusko Jaurlaritzako tramitazio elektronikoa aplikatuz, Euskadi.eus webgunean eta EEren webgunean eskuragarri dagoena (www.eve.eus). Hori guztia, pertsona fisikoen kasurako 39/2015 Legearen 14.1 artikuluan aurreikusitakoa alde batera utzi gabe.



Dirulaguntzak eskatu eta tramitatzearekin zerikusia duen edozein tramite edo dokumentu elektronikoki aurkezten bada, sinadura elektronikoko aitortu bat eduki beharko du, 21/2012 Dekretuaren 11. artikuluan xedatutakoaren arabera.

Eskaera osatugabea, akatsekin badago, edo oinarri hauetan eskatzen dena bete gabe, hamar (10) egun balioduneko epea emango zaio interesdunari zuzentzeko edo eskatzen zaizkion dokumentuak aurkezteko, horretarako bidaliko zaion jakinarazpena jasotzen duen egunetik kontatzen hasita, eta hori egin ezean, eskaera bertan behera utziko zaio, aurretiaz emango den ebazpen baten bidez, 39/2015 Legearen 21. artikuluaaren arabera.

Eskaera aurrez aurre edo presentzialki aurkeztuz gero, ezarritako bide elektronikotik kanpo, interesdunari eskatuko zaio zuzentzeko, eta era elektronikoa aurkezteko. Horri dagokionez, eskaeraren aurkezpen-data edo -eguntzat joko da zuzenketa egiten den eguna.

7. Laguntza-eskaera eta hautatzeko aldia

Eskaera bakar bat aurkeztu beharko da aurreikusitako Pizgarri Programetako edozeinetan laguntzaren xede izatea nahi den instalazio bakoitzeko, 1. Pizgarri Programarako Oinarri hauetan ezarritako eskaeren artean ezarritako bateraezintasun-araubidea ere kontuan hartuta.

Oinarri hauen arabera, dirulaguntzaren eskaeraren inprimakia eta berarekin batera bidali behar den dokumentazioa, 6. oinarrian aipatutako aplikazio informatikoaren bidez bidali beharko da, 3. oinarrian adierazten den epearen barruan.

Eskaeren onarpenerako hautagarritasuneko aldiaren xedeetarako, laguntza-eskaeraren erregistro-data hartuko da kontuan.

Eskaeraren aurkezpen-ordenari zorrotz jarraikiz erantzungo zaie eskaerei, laguntza-eskaerak ebazteko ordenari dagokionez 8.1 oinarriaren lehenen paragrafoan adierazitakoa bazter utzi gabe, funtsak agortzen diren arte. Aurrekontua agortzen ez bada, eta betiere Programaren indarraldia amaitu ez bada, eskaerak behin-behineko erreserbako zerrendan erregistratzeko aukera izango da, 3. oinarrian adierazitakoari jarraikiz.

Laguntza-eskaerak Oinarri hauetako **II. ERANSKINEAN** adierazitako dokumentazio guztiarekin batera joango dira. Nolanahi ere, EEEK eskatzaileari eskatu ahalko dio laguntza-eskaera behar bezala aztertzeko beharrezkotzat jotzen den informazio eta dokumentazio osagarria.

8. Ebazpena, komunikazioa eta publizitatea

8.1. Administrazio Publikoa modernizatzeko eta Suspertze, Eraldatze eta Erresilientzia Plana egikaritzeko presako neurriak onartzen dituen abenduaren 30eko 36/2020 Errege Lege Dekretuko 62.1 artikuluan aurreikusitakoaren arabera (hemendik aurrera, «**36/2020 Errege Lege Dekretua**»), eta kontuan hartuta aurreikusitako laguntzak bideratzen direla beste proposamen batzuekiko konparaziozko balioespenaren beharrik ez duten jarduketa edo egoera zehatzak finantzatzera, laguntzak emateko ebazpenak emango dira konkurrentzia jarraituko prozedura baten bitartez, behin egoera edo jarduketa subentzionagarriaren konkurrentzia egiaztatu eta eskatutako gainerako betekizunak bete ondoren, deialdietan esleitutako aurrekontu-kreditua agortu arte. Hala, eskaerak aurkezten diren ordena zorrotzaren arabera aztertu eta tramitatuko dira.



- 8.2. EEE Energiaren Euskal Erakundeko zuzendari nagusiak ebazpena eman eta jakinarazpena eskatzaileari helaraziko dio sei (6) hilabeteko gehieneko epean, dirulaguntza-eskaera aurkezten den egunetik kontatzen hasita (39/2015 Legearen 21.2 artikulua). Epe hori igaro ondoren, eta ebazpen zehatzik jasotzen ez badu, gaitzetsizat hartuko da eskaera.

Ebazpenean honako hauek azalduko dira: (i) dirulaguntzaren xedea den jarduketa, (ii) haren zenbatekoa (kopuru gordina, azken hartzailearen izaeraren ondoriozko zerga-betebeharrei utzi gabe), (iii) funtsen jatorria, (iv) interesekoak izan daitezkeen beste alderdi batzuk, eta (v) eskaerari ezezkoa emanez gero, ezezkoaren arrazoiak.

Ebazpen horren kontra, prozedura administratiboari amaiera ematen diona, eskatzaileek hautazko birjartze-errekurtsoa jar dezakete EEE Energiaren Euskal Erakundeko zuzendari nagusiaren aurrean hilabeteko epearen barruan, ebazpena jakinarazten den egunaren biharamunetik kontatzen hasita, edo bestela, zuzenean administrazioarekiko auzi-errekurtsoa Bilbon dagokion epaitegian bi hilabeteko epean, ebazpena jakinarazi eta hurrengo egunetik kontatzen hasita. Hori guztia, 39/2015 Legearen 123. eta 124. artikuluek diotena betez eta uztailaren 13ko 29/1998 Legearen 46.1 artikularekin bat etorritik; hain zuzen ere, Administrazioarekiko auzien jurisdikzioa arautzen duena (aurrerantzean, «29/1998 Legea»).

- 8.3. Dirulaguntza emateko orduan kontuan hartutako baldintzak aldatuz gero, betiere onuraduna izateko dirulaguntzen araudiek ezartzen dituzten gutxieneko betekizunak babestuz, dirulaguntza emateko ebazpena aldatzea ekar dezake, dirulaguntza arautzearen inguruko legeriak xedatzen duenarekin bat etorritik (Dirulaguntzei buruzko Legearen 19.4 artikulua eta 1/1997 Legegintzako Dekretuaren 49.2 artikulua).
- 8.4. Azkenik, gardentasunari, informazio publikoa eskuratzeko bideari eta gobernu onari buruzko abenduaren 9ko 19/2013 Legeak (aurrerantzean, «19/2013 Legea») eta Dirulaguntzei buruzko Erregelamenduak diotenarekin bat etorritik, laguntza programa hau amaitu eta gero, EEEK bere Gardentasun Atarian eta EHAA argitaratuko ditu laguntza-programa honi jarraikiz emango diren dirulaguntzak, legeak eskatzen dituen datuak ere azalduz bertan, eta 1124/2021 EDan Autonomia Erkidegoetarako ezartzen diren publizitate- eta informazio-alorreko gainerako betebeharrak beteaziko ditu.

9. Inbertsioa egin izana eta laguntzak ordaindu izana justifikatzea

- 9.1. Gehienez hemezortzi (18) hilabeteko epean laguntza emateko ebazpena jakinarazten den egunaz geroztik, laguntzen azken hartzaileek justifikatu beharko dute laguntzaren xede den jarduketa gauzatu, fakturatu eta ordaindu dela.
- 9.2. Azken hartzaileek laguntzaren justifikazioa EEEen egin behar dute, elektronikoki, 6. oinarrian adierazitako aplikazio informatikoaren bidez, pertsona fisikoen kasurako 39/2015 Legearen 14.1 artikuluan aurreikusitakoa bazter utzi gabe.
- 9.3. Laguntzen azken hartzaileak aplikatzekoa den Oinarri hauetako **II. ERANSKINEAN** adierazitako dokumentazio guztia aurkeztu beharko du, eta, espezifikoki, egitaritu den jarduketaren arabera adierazitakoa. Horri dagokionez, espresuki adierazten da ez dela dokumentazioa aurkezteko inolako salbuespenik ezarriko, eta jarduketa egin dela justifikatzeko aurkeztuko den dokumentazioak bat etorri beharko duela laguntza eskatzeko formularioan aurkeztutako informazioarekin.



9.4. EEEK automatikoki eta ofizioz egiaztatuko du:

- Helbide fiskala
- Enpresaburu, profesional eta atxikitzaileen erroldan alta eman izana.
- Zerga-betebeharrak eta Gizarte Segurantzarekiko ordainketak bete direla jasotzen duten ziurtagiriak egiaztatzea.

Hori guztia, Nafarroako Foru Ogasunari eta Estatuko Zerga Agentziari lotutakoak alde batera utzita, laguntzaren azken hartzailearen zerga-egoitza EAetik kanpo dagoenean.

Dena den, baimen inplizitu hori espresuki ukatu ahal izango du eskatzaileak, eta kasu horretan dagokion ziurtagiria edo eskatutako dokumentua aurkeztu beharko du, eta hori guztia 39/2015 Legearen 28. artikulua 2. paragrafoan xedatutakoari jarraikiz.

9.5. Laguntzaren azken hartzaileak aurkeztu beharko du dokumentazioa, edo haren legezko ordezkariak, egintza bakarrean eta osorik. Horrela, aurkeztutako justifikazio-dokumentazioa osatu gabea bada, akastuna bada, edo postaz edo presentzialki aurkezten bada, laguntzaren azken hartzaileari hamar (10) egun baliioduneko epea emango zaio zuzentzeko dagokion eskaera-idazkiaren bidez, laguntzaren azken hartzaileak zuzentze-jakinarazpena jasotzen duenetik zenbatzen hasita (39/2015 Legearen 68. artikulua).

9.6. EEEK ez du zabalduko edo luzatuko eskatutako dokumentazioa osorik entregatzeko epea, eta justifikazioa Oinarri honetan ezarritako epean ez aurkezteak, laguntza kobratzeko eskubidea galtzea, emandako laguntza errebotatzea eta Dirulaguntzei buruzko Legean ezarritako gainerako erantzukizunak ekarriko ditu berekin.


9.7. Dirulaguntza emateko ebazpenaren xede diren hasierako baldintzak aldatzeko aukera izango da, betiere aldaketek eraginik ez badute Programaren helburuetan edo laguntzaren xede den jarduketa egikaritzeko proposatutako jardueren funtsezko alderdietan, baldin eta arrazoi teknikoaren edo bestelakoaren ondorioz, dagozkion zerbitzuen kontratazioaren eta/edo ondasunak erostearen formalizazioa eragozten edo kolokan jartzen badute, baita jarduketa subentzionagarria ezarritako epean gauzatzea ere, hori guztia hartzailearekin zerikusirik ez duten edo gerora agertu zaizkion arrazoi behar bezala justifikatuengatik, eta, bidezko bada, bete beharreko neurri teknikoak eta plangintzakoak hartu arren.

Laguntzaren xede den jarduketaren funtsezko ordezte edo aldaketak ez dira onargarriak izango, non eta ongi justifikatutako kontratazio- edo egikaritze-arrazoi edo arrazoi tekniko baten ondorio ez diren.

Nolanahi ere, ebazpenaren aldaketak emandako laguntzaren zenbatekoa aldatzea ekarri ahalko du berekin.

Hala badagokio, azken hartzaileak eskatuko du ebazpenaren aldaketa, laguntzaren xede den jarduketa egikaritzeko epea amaitu aurretik, eta EEEK bere gain hartuko du aldaketa-eskaera hori onartzeko edo ez onartzeko erabakia, eskatutako aldaketa baiesteko edo ezesteko dagokion ebazpena emanez.

9.8. Eskatutako dokumentazioa jasotakoan dokumentazioa aztertu egingo da. Aurkeztutako dokumentazioaren balioespina positiboa bada, EEEK laguntza ordaintzeari ekingo dio, funtsen jatorriaren erreferentzia espresua eginda, Trantsizio Ekologiko eta Erronka Demografikorako Ministerioa eta Suspertze, Eraldatze eta Erresilientzia Plana eta Europako Suspertze eta Erresilientzia Mekanismoa aipatuz, horri dagokionez ezar daitekeenari jarraikiz.



Aurkeztutako justifikazio-dokumentazioa kontrastatutakoan, ikusten bada, inbertsioa gauzatu eta Programa honen helburua bete arren, dirulaguntzaren azken zenbatekoak hasieran emandakoa baino txikiagoa izan behar duela, laguntzaren errebokazio partzialeko espediente bati emango zaio hasiera.

Aldiz, laguntzaren azken hartzaileak:

- Justifikazio-betebeharra betetzen ez badu 9. oinarrian aurreikusitakoari jarraikiz.
- Oinarri hauetan, 1124/2021 EDan eta/edo dirulaguntzen alorrean ezarritako araudian bildutako ez bestelako edozein baldintza betetzen ez badu.

Laguntzaren erabateko errebokazio espediente bati emango dio hasiera EEEk.

Laguntzaren bi errebokazio-kasuetan, laguntza kobratzeko eskubidearen galera deklaratu da, Dirulaguntzei buruzko Erregelamenduaren 89. artikuluan ezarritakoari jarraikiz eta horretarako Dirulaguntzei buruzko Legearen 42. artikuluan aurreikusitako prozeduraren bidez.

- 9.9.** Laguntzaren azken hartzaileak horretarako adierazitako banku-kontuan ordainduko du EEEk dirulaguntza, identifikatutako proiektua dagokion laguntza-eskaeran amaitu ondoren, lortu nahi ziren helburuen betetze-maila eta egindako gastuak egiaztatzeko aukera emango duen dokumentazioa EEEri aurkeztu ondoren.
- 9.10.** Euskal Autonomia Erkidegoko Administrazio Orokorrak eta Instituzionalak, bere erakunde autonomiadunek edota EEEk emandako izaera bereko dirulaguntzak itzultzeko dauzkaten elkarrekin edo erakundeek ezin izango dute laguntzen programa honek ematen duen dirulaguntzarik jaso. Horrelako kasuetan, aztertu egingo da itzuli beharreko dirulaguntza zer egoeratan dagoen, borondatezko aldiaren edo bide betearazlean.

Azken hartzaileek dirulaguntzen itzulketen betebeharren ordainketak eginak dituztela ulertzeko, hauxe izango da irizpidea: dirulaguntza horiek emandako administrazioarekiko zorrik ez izatea epealdi betearazlean dirulaguntzak itzultzeari dagokionez, edo azken erabiltzaileei zein elkarte laguntzaileei premiamendu-bidea ezarri edo aurrera eramaterik ez dagoen kasuetan, borondatezko aldiaren zorrik ez izatea.

Era berean, onuradunek dirulaguntzen itzulketen betebeharren ordainketak eginak dituztela ulertuko da zor horiek geroratuta edo zatikatuta badaude, edo bertan behera uzteko erabaki bada, itzultzeko dagokion ebazpena aurkaratuz gero (Dirulaguntzei buruzko Erregelamenduko 21. artikulua).

10. Laguntzaren xede den jarduketaren eta espedientearen dokumentuak egiaztatzea

Dirulaguntzaren xede den jarduketa benetan gauzatu dela eta Oinarri hauetara eta aipatutako gainerako araudira egokitzen dela egiaztatzeko xedearekin, EEE Energiaren Euskal Erakundeak subentzionatutako proiektuak egiaztatu ahalko ditu, egindako inbertsioen zenbait argazki adierazgarri egitea barne. Nolanahi ere den, EEEk beharrezkotzat jotzen duen dokumentazio guztia eskatu ahal izango du; betiere, dirulaguntzen erabilera egoki bat egin dela ziurtatu nahian.

Dirulaguntza jasotako jarduketaren in situ egiaztatzea egingo zaien azken hartzaileei aldeztatik idazki bat bidaliko zaie, haren berri emateko EEEren aldetik. Jakinarazpena jasoko dutenek egiaztatze hori eraztu beharko dute.



Jakinarazpena bidali ondorengo bi (2) asteren barruan, EEEk onuradunari inbertsioen egiaztatzea egingo duela jakinarazi ondoren, adierazitako inbertsioa burutu dela egiaztatzeko asmoz, ezin bada ikuskapena egin, EEEekin zerikusia ez duten arrazoiak tarteko, idazki bidez jakinaraziko zaio azken hartzaileari hamabost (15) egun balioduneko epea izango duela beste hitzordu bat egiteko, inbertsioen egiaztatzea egin ahal izateko. Hori egin ezean, EEEk dirulaguntzaren zenbatekoa erabat errebokatzeko espedientea abiaraziko du.

Egiaztatzean hartutako informazioa eskaeran aurkeztu den dokumentazioarekin kontrastatu ondoren, eta hasieran emandako dirulaguntzaren kopuruak txikiagoa izan behar duela, edo ez dagokiola dirulaguntzarik jasotzea ondorioztatzen bada, kasuan-kasuan, EEEk dirulaguntza partzialki edo erabat errebokatzeko espedientea egingo du, eta, hala badagokio, zati bat edo kopuru osoa itzultzeko eskatuko du, legezko beste bide batzuk hartzeko eta zigorrak aplikatzeko eskubideari uko egin gabe.

11. Laguntzen azken hartzaileen betebeharrak

Deialdi honen xede den laguntzen azken hartzaileek honako betebeharrak bete beharko dituzte betiere:

- a. Dirulaguntzei buruzko Legearen 14. eta 46. artikuluetan, Dirulaguntzei buruzko Erregelamenduan eta 1/1997 Legegintzako Dekretuaren 50.2 artikuluan xedatutakoak, baita 2021eko otsailaren 12ko Europako Parlamentuaren eta Kontseiluaren EB 2021/241 Erregelamenduan ezarritako Suspertze eta Erresilientzia Mekanismoa eta Suspertze, Eraldatze eta Erresilientzia Plana egikaritu eta kudeatzeko aplikatu litekeen Estatuko zein Europako araudian jasotakoak ere. Horrez gain, Programa honen II. ERANSKINEAN eskatutako dokumentazioa zein irailaren 29ko HFP/1031/2021 Aginduan ezarritakoa betetzeko beharrezkoa izan litekeen gainerako guztia zuzen eta egiazko moduan aurkeztu eta erabilgarri jarriko dute.
- b. Emandako dirulaguntza onartzea. Dirulaguntza eman zaiola jakinarazten dion agiria jaso eta hamabost (15) eguneko epean onuradunak berariaz eta idazki bidez uko egiten ez badiu, onartu egin duela ulertuko da, dirulaguntzen deialdi honetan zein ebazpenean ezartzen diren baldintza ekonomikoei eta gainerakoei dagokienez, baita laguntzen deialdi honi dagokienez ere.
- c. Dirulaguntza zertarako eman zaion, horretarako erabiltzea.
- d. Kontrol Ekonomikoko Bulegoari, Kontu Publikoen Euskal Auzitegiari, Trantsizio Ekologikorako eta Erroka Demografikorako Ministerioari eta eskumeneko beste edozein organori (besteak beste Europako Funtsen Idazkaritza Nagusia, Estatuaren Administrazioaren Esku-hartze Nagusia, Kontu Auzitegia, Europako Batzordeko kontrol- eta ikuskapen-organismoak) ematea eskatu ahal dioten informazioa; betiere, dirulaguntza hauek kontrolatzeko dituzten zereginak behar bezala egin ahal izateko eskatzen badiote dirulaguntzen deialdi honen kargura, eta, espezifikoki EEEk, 1124/2021 Errege Dekretuan aurreikusitakoa betez, nahitaez igorri behar duen informazioa.
- e. Kudeaketaren ardura duen organoa den heinean 1124/2021 EDak EEeri agindutako betebeharrak guztiz betetzen direla zaintzea, eta, aldi berean, EEeri zeregin horretan laguntzea. Ildo horretan, laguntzen azken hartzaileek honako hauek bete eta egiaztatu beharko dituzte espresuki:
 - Deklaratutako gastua ordaindu dela eta aplikatzeko den legeria betetzen duela.



- Gastuaren finantzaketa bat badator Europar Batasunaren beste programa eta tresna batzuekin, laguntzak kostu bera ez estaltzea Europar Batasunaren Aurrekontu Orokorrari (Finantza Erregelamendua) aplikatzekoak diren finantza-neurriei buruzko 2018ko uztailaren 18ko Europako Parlamentuaren eta Kontseiluaren (EB, Euratom) 2018/1046 Erregelamenduan ezarritakoa betez, eta nolahi ere, 2021eko otsailaren 12ko Europako Parlamentuaren eta Kontseiluaren (EB) 2021/241 Erregelamenduaren 9. artikuluan aurreikusitakoa betetzen dela egiaztatuz.
 - Gastuaren finantzaketa ez dela beste finantzaketa-araubide nazional batzuekin bikoitzen.
 - Laguntzen azken hartzaileek, eragiketarekin lotutako transakzioetarako kontabilitate-sistema bererazi bat edo kontabilitate-kode egoki bat erabiltzen dutela bermatzea.
 - Iruzuraren aurkako neurri eraginkorrak eta neurrizkoak ezartzen dituztela, atzemandako arriskuen arabera. Azpiko gastuaren erregulartasuna ziurtatzen da, baita iruzurra eta ustelkeria prebenitu, detektatu, komunikatu eta zuzentzeko eta interes-gatazka eta finantzaketa bikoitza prebenitzeko neurriak hartzen direla ziurtatu ere.
 - Programa honek araututako laguntzen esparruan auditoria-pista egoki bat edukitzeko behar diren auditorien eta gastuaren gaineko dokumentazioa erabilgarri dagoela bermatzeko prozedurak eta euskarri-dokumentazioa mantentzeko betebeharrak ezartzen dituzte. Ogasun eta Funtzio Publikoaren Ministerioak ezarritakoaren arabera emango da informazioa, estatuan eta Europar Batasunean aplikatzeko den araudiari jarraikiz.
 - Subentzionatutako eragiketa guztien administrazio-egiaztapen egokiak egitea ahalbidetzen dutela, gastuaren erregulartasuna, ordainketen errealitatea eta laguntzaren baldintzetarako egokitasuna bermatu ahal izateko.
 - Adierazgarritasuna bermatzen duen laginketa metodo baten bitartez hautatutako eragiketa zehatzak lekuan bertan egiaztatzea ahalbidetzen dutela.
 - Jasotako laguntza-zenbatekoaren jarraipen zehatza eta berezia egiten dute, Estatu-laguntzen gaineko Europako araudian ezarritako laguntzaren intentsitateak, mugak eta baldintzak betetzen direla egiaztatzeko, 2021eko otsailaren 12ko Europako Parlamentuaren eta Kontseiluaren (EB) 2021/241 Erregelamendua ezarritako Suspertze eta Erresilientzia Mekanismoari eta Suspertze, Eraldatze eta Erresilientzia Planari kudeatzeko eta egikaritzeko aplikatzeko den beste edozein arau edo erregelamendu ere aplikatuz.
 - Finantzaketa hori nondik datorren adierazi eta nabarmentzen dela, bidezko bada, Europar Batasunaren ikurrarekin eta «Europar Batasunak finantzatua - NextGenerationEU» dioen finantzaketa-adierazpen egoki batekin, bereziki ekintzak eta haien emaitzak sustatzen direnean, hainbat eta hainbat erabiltzaileen eskura benetako eta neurrizko informazio koherentea jarri, komunikabideak eta publikoak barne.
 - Proiektuak diseinatu eta egikaritzeko base guztietan eta jarduketak bakoitzerako «kalte esanguratsurik ez eragitearen» printzipioa eta klima- eta ingurumen-ekarpeneko etiketa digitala guztiz betetzen direla bermatzen da, Europako Parlamentuaren eta Kontseiluaren (EB) 2021/241 Erregelamenduan ezarritako Suspertze eta Erresilientzia Mekanismoan eta Suspertze, Eraldatze eta Erresilientzia Planean aurreikusitakoari jarraikiz. Bereziki, eta subentzionatutako jarduketak egikaritzean, (EB) 2019/2088 Erregelamendua aldatzen duen inbertsio jasangarriak errazteko esparru bat ezartzeari buruzko 2020ko ekainaren 18ko Europako Parlamentuaren eta Kontseiluaren (EB) 2020/852 Erregelamenduaren 17. artikuluan aurreikusitakoa hartuko da kontuan.
- f. EEERI, xede bererako dirulaguntza edo laguntzak, diru-sarrerak edo baliabideak eskatu edo lortu izana jakinaraztea, beste administrazio edo erakunde publiko zein pribatu batek emandakoak badira.



- g. Jarduketak aplikatzekoak zaizkion erregelamendu eta araudiak betez egikaritzea, eta jarduketaren osagaiek organismo eskudunaren dagokion homologazioa izan beharko dute. Horrela, laguntzaren azken hartzaileak bere gain hartzen du dirulaguntzaren xede den proiektua erabat egokitzen zaiola indarreko araudi aplikagarriari, teknikoari edo urbanistikoari, edo beste edozein izaeratakoari.
- h. Egindako jarduketa eta jasotako laguntzaren aplikazioa egiaztatzen duten jatorrizko dokumentuak gordetzea, egiaztatzeko, kontrolatzeko eta ikuskatzeko dagozkien jarduketaren xede izan daitezkeela kontuan hartuta. Dokumentuen erabilgarritasuna, Europako funtsei aplikatzeko den araudian ezarritakoari lotuko zaio, eta bidezko bada, 2021eko otsailaren 12ko Europako Parlamentuaren eta Kontseiluaren (EB) 2021/241 Erregelamenduko 22.2.f) artikuluan aurreikusitakoari.
- i. Laguntzen azken hartzaileek kontabilitate banandu edo bereizi bat izan beharko dute laguntzaren xede den jarduketarekin zerikusia duten transakzio guztietarako.
- j. Onuradunak diruz lagundutako ondasunaren titularrak izan beharko du, eta dirulaguntza eman zitzaionean kontuan hartu zen xede jakin horretarako erabili beharko du, gutxienez bost (5) urtean.

Laguntzaren azken hartzaileak laguntzaren xede den ondasuna besterentzen badu, aldeztatik aurretik ezarritako epea igaro ondoren, honako hauek bete beharko ditu:

- EEEn aurrean egiaztatzea, adieraztea eta akreditatzea, erosle berriak betetzen dituela laguntzaren azken hartzaile izateko Oinarri hauetan aurreikusitako betekizun guztiak.
- Salerosketaren kontratu-dokumentuan honako hauek adierazi beharko ditu espresuki:
 - Ondasun hori Programa honen laguntzaren xede izan dela.
 - Erosle berriak laguntzaren azken hartzailearen posizio juridikoa bereganatzen duela, gutxienez, laguntzaren azken hartzaile-kondiziotik eratorritako betebeharren indarraldia amaitu arte.
- EEEn egindako salerosketaren berri eman beharko dio, gehienez hiru (3) hilabeteko epean formalizazioaz geroztik.

Laguntzaren azken hartzaileak betetzen ez baditu besterentze horri dagozkion eskakizunak, jasotako laguntza itzuli beharko du, osoa edo haren zati bat, dagokionaren arabera.

- k. Publizitate-alorreko betebeharrei dagokienez:
- Argitalpenetan, hedatze-jardueretan, webguneetan eta, oro har, edozein hedabidetan araututako laguntzen xede den jarduketari buruz egiten duen edozein erreferentziak kasuan-kasuan Energia Dibertsifikatzeko eta Aurrezteko Institutuaren webgunean erabilgarri egongo diren Programaren Irudi Eskuliburuan edo Eskuliburuetan dauden betekizunak bete beharko ditu, non Trantsizio Ekologiko eta Erronka Demografikorako Ministerioa azalduko den 2021eko otsailaren 12ko Europako Parlamentuaren eta Kontseiluaren (EB) 2021/241 Erregelamenduan ezarritako Suspertze eta Erresilientzia Mekanismoaren eta Suspertze, Eraldatze eta Erresilientzia Planaren esparruan, hori guztia horri dagokionez ezarritakoa eta azaroaren 17ko 38/2003 Legearen 18.4 artikuluan eta uztailaren 21eko 887/2006 Errege Dekretuak onartutako garapen-erregelamenduen 31. artikuluan aurreikusitakoa betez.



Gainera, instalazioak seinalatzatuko dira irudi-eskuliburuan edo irudi-eskuliburuetan adierazitakoari jarraikiz. Pantaila bat jarriko da ondo ikusteko moduko toki batean, I. ERANSKINEAN adierazitako produkzio- eta kontsumo-datuak erakusgai jartzeko.

- Jendeari informazioa emango dio Europako funtsetatik lortutako laguntzaz, webgunean, webgunerik badu, eragiketaren deskribapen labur bat eginez, proportziozko moduan emandako laguntza-mailarekiko, laguntzaren helburu eta emaitzekin, eta Europar Batasunaren finantza-laguntza nabarmenduz betiere.
- Kasu guztietan, finantzaketa hori nondik datorren adierazi eta nabarmendu beharko da, bereziki jarduketa subentzionaerriak eta haien emaitzak sustatzen direnean, hainbat eta hainbat erabiltzailearen eskura benetako eta neurrizko informazio koherentea jarri, komunikabideak eta publikoa barne.

Halaber eremu horretan garatzen diren deialdi, lizitazio, hitzarmen eta gainerako tresna juridikoek «Suspertze, Eraldatze eta Erresilientzia Plana – Europar Batasuna-NextGenerationEU-k finantzatua» erreferentzia eraman beharko dute, goiburuan zein garapen-gorputzean, Suspertze, Eraldatze eta Erresilientzia Planaren kudeaketa-sistema konfiguratzeko duen irailaren 29ko HFP/1030/2021 Aginduaren 9. artikularekin bat etorri.

- Azkenik, 100 kW-tik gorako potentzia izendatuko produkzio-instalazioetarako, plan estrategiko bat aurkeztuko da, instalazioko osagaien jatorria edo fabrikazio-tokia (nazionala, Europakoa edo nazioartekoa) eta haien ingurumen-irizpideak, instalazioaren interoperatibitatea edo sistemari zerbitzuak eskaintzeko duen ahalmena adierazita, baita aurreikuspenen arabera proiektuak ETEen eta autonomoak bultzatzeko izango duen eragina ere. Toki-enpleguan eta tokiko, eskualdeko eta Estatuko industriako balio-katearen gaineko estimazioak ere barne hartzeko aukera izango du.
- l. EEEK hala eskatzen baldin badio, azken hartzaileak konpromisoa hartzen du erregistratutako energia-emaitzen bilakaeraren berri emateko, baita haien dibulgazioa baimentzeko ere, hamar (10) urteko epean, EEEK dirulaguntza ordaintzen duen egunetik kontatzen hasita.
- m. Dirulaguntza ematearekin zerikusia duen edozein aldaketa objektibo zein subjektiboren berri ematea EEEri, baita laguntzaren xedea ikuskatzeko eginkizunak betez eskatzen dion edozein informazioaren berri ere.

12. Ez-betetzeak eta itzulketak

Emakidako ebazpenetan ezarritako baldintzak partzialki edo guztiz betetzen ez badira, prozedura bat irekiko da, hala badagokio, dagokion laguntzaren itzulketa edo jasotzeko eskubidearen galera eskatzeko, ez betetzearen garrantziaren arabera.

Honako hauek eragin dezakete laguntzaren itzulketa edo kobratzeko eskubidea galtzea:

- a) Dagozkion administrazioetako edozeinen fiskalizazioari buruzko kontrako txostena, baldin eta emandako laguntza itzuli beharra ondorioztatzen badu, administrazio horiei aplikatzekoa den araudiaren edozein ez-betetzetan oinarrituta.




- b) Hala badagokio, beste dirulaguntza edo laguntza batzuk komunikatzeko betebeharra ez betetzea nahikoa arrazoi izango da, emandako laguntzaren itzulketa edo laguntza eskatzeko eskubidearen galera eskatzeko, jarduketaren arabera jasotako eta ez jakinarazitako laguntzaren zenbatekoaren arabera.
- c) Oinarri hauetan ezarritako publizitate-betebeharrak ez betetzeak dagokion laguntza itzultzea ekarriko du berekin, edo, hala badagokio, laguntzaren guztizkoa jasotzeko eskubidea galtzea.
- d) Ingurumenari kalte esanguratsurik ez eragiteko printzipioa (DNSH printzipioa), edo klima-etiketa edo DNSH printzipio hori edo klima-etiketa betetzeko baldintzak betetzen ez badira, emandako laguntza osoaren itzulketa edo jasotzeko eskubidearen galera eskatuko da.
- e) Emandako laguntza osoa itzultzeko edo jasotzeko eskubidea galtzeko eskatuko da, laguntzaren xede den jarduketak, egikaritzeko ezarritako gehieneko daten barruan, edo, hala badagokio, eman zitezkeen luzatzen barruan, Oinarri hauetako I. **ERANSKINEKO** IE.1 atalean jarduketa subentzionagarrietarako zehaztutako «bete beharreko betekizun teknikoetan» adierazitako gutxieneko betekizunak gainditzen ez baditu. Kasu horietan, laguntzaren xede den jarduketak, Oinarri hauetako I. **ERANSKINEKO** IE.1 atalean jarduketa subentzionagarrietarako zehaztutako «bete beharreko betekizun teknikoetan» adierazitako gutxieneko betekizunak gainditzen baditu, behin betiko gehieneko laguntza likidatuko da akreditatutako inbertsio edo kostu subentzionagarriaren ehuneko berean, eta, hala badagokio, itzulketa partziala eskatuko da, edo dagokion laguntza partzialki jasotzeko eskubidearen galera ezarriko da.

Laguntzaren azken hartzaileak jasotako dirulaguntza osoaren edo zati baten itzultzeari ekingo zaio eta dagozkion berandutze-interesak eskatuko zaizkio (diruaren legezko interesari % 25 gehituko zaio, Estatuaren Aurrekontu Orokorren Legeak beste kopuru bat esaten ez badu), dirulaguntza ordaintzen zaion unetik edo egunetik itzulketa egiteko erabakia hartzen den data edo egunera arte, Oinarri hauetan, 1124/2021 Errege Dekretuan eta Dirulaguntzei buruzko Legearen 37. artikuluan xedatutakoa betez.

Eta zati bat itzuli behar denean, Dirulaguntzei buruzko Lege horren 37.2 artikuluan adierazitako mailakatzeko irizpideak hartu beharko dira kontuan, kasuan kasu honako hauei dagokien maila aintzat hartuz: (i) Programa honetan aurreikusitako xedeak eta helburuak betetzea, (ii) subentzionatutako jardueren egikaritze materiala, (iii) subentzionatutako jardueri dagozkien zenbatekoak fakturatu eta ordaintzea.

Deialdi edo programa honetan ezarritako eskakizunak eta 14. oinarrian aurreikusitako gainerako arau aplikagarriak edo dirulaguntza emateko ebazpenean jarritako baldintzak bete ezean, eta ez-betetze espedientea ireki ondoren, dirulaguntzaren errebokazio totala edo partziala eragingo du horrek eta dirua itzuli egin beharko litzaioke EEeri, berandutze-interesekin batera. Hori guztia, honako legeriak xedatutakoa betez: 1/1997 Legegintzako Dekretuan xedatutakoari jarraikiz eta abenduaren 17ko 698/1991 Dekretuaren II. Titulua, EAeko Aurrekontu Orokorren kontura emandako dirulaguntzen bermeei eta itzulketei buruzko araudi orokorra arautzen duena. Nolanahi ere, horrek ez du salbuesten bestelako zehapen eta lege-egintzetatik.

Errebokatzeko espedienteak hasarazteko eta ebazteko eskumena, eta, hala dagokionean, dirulaguntza partzialki edo osorik itzularazteko, EEeko zuzendari nagusiak du.




13. Eskatzaileei informatzeari buruzko klausula

Datuen babesari buruzko informazioa	
Tratamenduaren arduraduna	ENERGIAREN EUSKAL ERAKUNDEA (EEE) IFZ: Q5150001E Helbidea: Urkixo zumarkalea, 36, 1. solairua, 48011, Bilbo (Bizkaia) tel.: 94.403.56.00 harremana DPO: dpd@eve.eus
Helburua	<ul style="list-style-type: none"> - Zure dirulaguntza-eskaera aztertzea eta kudeatzea eta, kasuan-kasuan, laguntza ematearen ondorioz ezartzen den erlazioaren egikaritzapena eta kontrola. - Estatistika-xedeekin tratatu ahalko dira datuak.
Tratamendua eta kontserbazioa legitimatzea	<ul style="list-style-type: none"> - Tratamendua ezinbestekoa da guztion intereserako edo tratamenduaren arduradunari emandako botere publikoak gauzatzeko egindako zeregin bat betetzeko. - Informazioa gordetzea: eskaera aztertzeko epean eta aplikatzekoak zaizkion legezko epeetan. Laguntza emanez gero, emateko espedientearen zati izango dira datuak eta gorde egingo dira aktibo gordetzen den bitartean eta, ondoren, aplikatzekoak zaizkion legezko epeetan.
Emakiden hartzaileak	Kontrol-arloko eta kontrol-alorrean eskumena duten erakunde eta autoritate autonomiko, lokal eta estatalak, edo Europar Batasunekoak. Espezifiki, Garraioetako, Mugikortasuneko eta Hiri Agendako Ministerioa
Interesdunen eskubideak	<p>Interesdunek datuetan sartzeko, datuak zuzentzeko, ezabatzeko, eramangarritasunerako eskubideak eta tratamendua mugatzeko edo datuen aurka egiteko beren eskubideak egikaritu ditzakete EEeri idazki bat bidaliz, «<i>datuak babesteko eskubideak egikaritzea</i>» adieraziz, eskubide horiek dirulaguntzen arloko araudian aurreikusitakoaren arabera egikari daitezkeen neurrian.</p> <p>Interesdunek Datuak Babesteko Euskal Agentziaren aurrean erreklamatzeko eskubidea dute www.avpd.eus</p>
Dirulaguntzaren azken hartzaile orok konpromisoa hartzen du, bere dirulaguntza-eskaeran adierazitako proiektuaren kudeaketan eta, kasuan-kasuan, ondorengo egikaritzapenean inplikaturako edozein pertsona fisiko/juridikoren edozein datu pertsonal EEeri eman aurretik, arestian adierazitakoari buruz informatuko duela dagokion pertsona fisiko/juridikoa, eta aplikatzekoak izan daitezkeen beste edozein eskakizun bete EEeri datu pertsonak behar bezala lagatzeko.	




14. Azken xedapenak

1. EEEn erabakiak izaera administratiboa du eta EEEk kudeatzen dituen dirulaguntzen jurisdikzio eskuduna, administrazioarekiko auzietarako jurisdikzioa da.
2. Programa honetatik eratorritako laguntzen xede diren jarduketatik lortutako irudiak erabiltzeko eskubidea du EEEk.
3. Akatsak baldin badaude edo informaziorik eta dokumentaziorik ez badago laguntza emateko kudeaketan laguntzaren azken hartzailearen aldetik, eta horrek zuzenean eragina badu EEEk eman beharreko laguntzaren zenbatekoa zehazteko garaian, laguntzaren azken hartzailearen erantzukizun bakarra izango da. Horregatik, benetan egindako gastua handiagoa bada ere, laguntza emateko ebazpenean kontuan hartutakoa baino, hazkunde horrek ezein kasutan ere ezin izango du emakidaren zenbatekoa gorantz berrikustea ekarri.
4. Suspertze eta Erresilientzia Mekanismoa ezartzen duen 2021eko otsailaren 12ko Europako Parlamentuaren eta Kontseiluaren (EB) 2021/241 Erregelamenduaren 22.2.d) artikuluan eta HFP/1030/2021 Aginduaren 8. artikuluan aurreikusitakoari jarraikiz, laguntza-eskatzaileei honako hauei buruzko informazioa ematen zaie:
 - a) Dirulaguntza, Dirulaguntzen Datu Base Nazionalean erregistratu izana, 130/2019 Errege Dekretuan aurreikusitakoari jarraikiz.
 - b) Administrazioak eta Suspertze eta Erresilientzia Mekanismoari buruzko Erregelamenduaren 22. artikuluan jasotako organo guztiek, JUS/319/2018 aginduari jarraikiz sortutako Titulartasun Errealen Erregistroan bildutako informazioan sartzeko aukera, edota titular errealen gaineko datu horien berri eman ditzaketen Administrazioaren beste datu-base batzuetan sartzeko aukera.
 - c) Sistema horien eta Europako Funtsen Sistemaren arteko informazio-lagapena, aplikatzeko den araudi europar eta nazionalean bildutako aurreikuspenen arabera. Suspertze eta Erresilientzia Mekanismoari buruzko Erregelamenduko 22. artikuluko 2. ataleko e) letraren eta Finantza Erregelamenduaren 129. artikuluan arabera [(EB, Euratom) 2018/1046 Erregelamendua, Europako Parlamentuarena eta Kontseiluarena, 2018ko uztailaren 18koa], Suspertze eta Erresilientzia Planaren funtsak jaso ahal izateko, azken hartzaileek beren gain hartu behar dute, idatziz, Batzordeak, OLAFeK, Europako Kontu Auzitegiak, Europako Fiskaltzak eta eskumeneko agintari nazionalak beren eskumenak betetzen dituztela bermatzeko behar diren eskubide eta sarbideak ematea.
5. Oinarri hauek aipatzen dituen dirulaguntzak honako hauetan xedatutakoaren mende daude:
 - 1124/2021 Errege Dekretua, abenduaren 21ekoa, Suspertze, Eraldatze eta Erresilientzia Planaren esparruan ekonomiaren hainbat sektoretan energia berriztagarri termikoen instalazioak ezartzeko pizgarri-programak egikaritzeko autonomia-erkidegoei eta Ceutako eta Melillako hiriei laguntzak zuzenean ematea onartzen duena, eta bereziki, 1124/2021 EDaren 3. artikuluan aipatutako neurriak.
 - 38/2003 Legea, azaroaren 17koa, Dirulaguntzei buruzkoa;
 - 887/2006 Errege Dekretua, uztailaren 21ekoa, azaroaren 17ko Dirulaguntzei buruzko 38/2003 Legearen Erregelamendua onartzen duena.
 - 1/1997 Legegintzako Dekretua, azaroaren 11koa, Euskadiko Ogasun Nagusiaren Antolarauei buruzko Legearen Testu Bategina onartzen duena.



- 39/2015 Legea, urriaren 1ekoa, Herri Administrazioen Administrazio Prozedura Erkideari buruzkoa;
 - Batzordearen (EB) 651/2014 Erregelamendua, 2014ko ekainaren 26koa, laguntza kategorian jakin batzuk merkatu erkidearekin bateragarriak direla adierazten duena Tratatuaren 107. eta 108. artikulua aplikatuz, aplikatzekoak izan litezkeen zuzenbide nazionalako zein Europar Batasuneko gainerako xedapenei kalterik egin gabe, bereziki 2021eko otsailaren 12ko Europako Parlamentuaren eta Kontseiluaren (EB) 2021/241 Erregelamendua ezarritako Suspertze eta Erresilientzia Mekanismoa zein Suspertze, Eraldatze eta Erresilientzia Plana egikaritu eta kudeatzaren eremuan aplikatzekoak diren xedapenei dagokienez. Bereziki beteko da honako huetan ezarritakoa: 2021/2041 Erregelamenduaren 5.9. eta 22 artikulua;
 - HFP/1030/2021 Agindua, irailaren 29koa, Suspertze, Eraldatze eta Erresilientzia Planaren kudeaketa-sistema konfiguratzeko duena;
 - HFP/1031/2021 Agindua, irailaren 29koa, Suspertze, Eraldatze eta Erresilientzia Planaren osagaietako neurrien aurrekontu- eta kontabilitate-egikaritzea eta mugarri eta helburuak betetzaren jarraipenerako Estatuko Autonomia, Erkidegoko eta Tokiko Entitateek eman beharreko informazioaren prozedura eta formatua ezartzen duena.
 - 36/2020 Errege Lege Dekretua, abenduaren 30ekoa, Administrazio Publikoa modernizatzeko eta Suspertze, Eraldatze eta Erresilientzia Plana egikaritzeko premiazko neurriak onartzen dituen, bere azken xedapenetan lehenaren arabera oinarritutakoak diren xedapenetan;
 - 29/1998 Legea, uztailaren 13koa, Administrazioarekiko Auzietako Jurisdikzioa arautzen duena; eta
 - 21/2012 Dekretua, otsailaren 21ekoa, Administrazio Elektronikoari buruzkoa.
- I. ERANSKINA - JARDUKETA SUBENTZIONAGARRIAK, BETE BEHARREKO BETEKIZUN TEKNIKOAK ETA KOSTU HAUTAGARRIAK
 - II. ERANSKINA - AZKEN HARTZAILEEI ESKATU BEHARREKO DOKUMENTAZIOA
 - III. ERANSKINA - GEHIENEN KOSTU SUBENTZIOAGARRIAK, ERREFERENTZIAZKO KOSTUAK ETA LAGUNTZEN ZENBATEKOA



I. ERANSKINA

JARDUKETA SUBENTZIONAGARRIAK, BETE BEHARREKO BETEKIZUN TEKNIKOAK ETA KOSTU HAUTAGARRIAK

IE.1 Jarduketa subentzionagarriak eta bete beharreko betekizun teknikoak

Pizgarri-programa hauen barnean hartutako jarduketa subentzionagarrien helburua da sistema termiko berriztagarrien zabalkundea sustatzea ekonomiaren sektoreetan, bizitegi-sektorea eta sektore publikoa barne, horiek ekonomiaren deskarbonizazio-helburua lortzeko bidean lagun dezaten, merkatuan beren lehiakortasuna sustatzearekin batera.

Hortaz, jarduketa subentzionagarritzat jotzen dira instalazio termiko berriztagarri berriak ezartzeko edota lehendik dauden produkzio-sistemak zabaldu eta ordeztzeko helburua izanik, jarraian orientagarri gisa eta mugatzeko asmorik gabe zerrendatzen diren aplikazioetako bat edo batzuk hornitzen duten edo dituzten jarduketa guztiak:

- Eraikinetan hotza eta/edo beroa sortzeko aplikazio termikoak: ur bero sanitarioa, berokuntza, hoztea, igerilekuen klimatizazioa, zuzenean edo beroko eta/edo hotzeko auzo-mikrosareen bitartez.
- Temperatura baxuko, ertaineko eta altuko aplikazioak produkzio-prozesuetan edo beste aplikazio termiko batzuetan: irakitea, esterilizazioa, garbiketa, lehorketa, garbitzea, zuritzea, lurruntzea, desugerketa, egosketa, lixibiazioa, gainazalak tratatzeko bainu termikoak, arropa-garbitzegiko zerbitzuak hornitzea, ibilgailuen garbiketa, produktu galkorren pasteurizazioa eta kontserbazioa, industria- eta abeltzaintza-erabilerako pabiloien eta berotegien klimatizazioa, etab.

Nolanahi ere, estatuan edo European indarrean dagoen araudia beteko da alde zuzenetik aipatutako aplikazio termikoei eta teknologia berriztagarriei loturik bete beharreko betekizunei dagokienez. Jarraian, teknologia horiek definitzen dira, eta bakoitzak jarduketa subentzionagarritzat hartzeko betekizun teknikoak zehazten:

- Eguzki-energia termikoa.


Eguzki-instalazio termikotzat hartzen da, eguzki-erradiazio intzidentea eguzki-kaptadore termikoen bitartez (hartzeko (aire-kaptadoreak, kontzentrazio-kaptadoreak, kaptadore lauak, hibridoak, huts-hodiak, etab.), fluido bat berotuz hura zuzenean energia termiko baliagarri bihurtzeko, zirkuitu baten bitartez hartutako energia termikoa truke- edo metaketa-sistema batera garraiatzeko —ondoren, kontsumo-puntuetan, xurgatzeko, adsortzioko eta bestelako makinaren bitartez, bero edo hotz gisa zuzenean erabili ahal izateko— funtzioak betetzeko ardura duten osagaien multzoa.

- Geotermia eta inguruneko Energia (aerotermia eta hidrotermia).

Iturri berriztagarrietatik eratorritako energiaren erabilera sustatzeari buruzko 2018ko abenduaren 11ko (EB) 2018/2001 Zuzentarauari jarraikiz, energia geotermikoa, lur solidoaren azalaren azpian bero gisa biltegitratutako energia da. Jarduketa subentzionagarriak dira zirkuitu irekiko edo itxiko geotermia-instalazioak, baita zuzenean erabiltzeko aprobetxamendu geotermikoko sistemak ere.

Inguruneko energia, ingurune konfinatu batean metatuta eta berez dagoen energia termikoa da, inguruneko airean biltegitra daitekeena, irteerako airea izan ezik. Bero-ponpa bidezko hidrotermia eta aerotermia deitu ohi zaio normalean.

Bero-ponpa bidezko geotermiako eta inguruneko energiako instalazioek (aerotermia eta hidrotermia) 2,5etik gorako urtaroko batez besteko errendimendua eduki beharko dute.



Horrez gain, bero-ponpek bete beharko dituzte 2016ko azaroaren 30eko Batzordearen 2016/2281 Erregelamenduan ezarritako ekodiseinu-errekerimenduak, Europako Parlamentuaren eta Kontseiluaren 2009/125/EB Zuzentarauak aplikatzen dituen. Zuzentaru horren arabera esparru bat ezartzen da energiarekin zerikusia duten produktuei aplikatzekoak diren diseinu ekologikoko betekizunak ezartzeko, airea berotzeko produktuei, hozte-prozesuei, tenperatura altuko prozesuak hozteko makinei eta bentilokontektoreei aplikatzekoak diren diseinu ekologikoko betekizunei dagokienez. Horrez gain, Bero Ponpetan erabilitako hozgarriek, gehienez ere, atmosfera berotzeko potentzialaren 675eko balioa izango dute (Atmosfera Berotzeko Potentziala 100 urtera), IPCCren «AR4 Climate Change 2007 The Physical Science Basis» Txostenaren TS.2 Taularen arabera.

Akuiferoetan eragiten duten geotermia-jarduketetarako, urriaren 23ko 2000/60/EB Zuzentaru betetzen dela bermatuko da, ur-politiken eremuan jarduteko Europar Batasunaren esparru bat ezartzen duena akuiferoei kalte esanguratsurik eragiten ez zaiela ziurtatzeko, uraren kalitatea babestu eta estres hidrikoa saihestearren.

Honako hauek ez dira laguntza-programa honen xede izango:

- Eskatutako gutxieneko errendimenduetara iristen ez diren edo errendimenduak ziurtatzen ez dituzten bero-ponpak.
- Hezetasuna kentzeko unitate gisa funtzionatzeko zeregina duten bero-ponpak.
- Hotz industrial sortzeko ekipoak, hau da, elikagaiak edo bestelako produktuak biltegitatu edo izozteko hozkailuei eta hozte-ganberei, itsasoko, lurreko edo aireko garraioan kokatutako hozte-sistemei, zerbitzari-gelei eta data centerrei hotz ematen dieten hozte-sistemak.

– Biomasa.


Programa honen xedeetarako, biomasa da nekazaritza-jardueretatik eratorritako jatorri biologikoko produktu eta hondakinen zati biodegradagarria, landare-jatorriko eta abere-jatorriko substantzia, basogintzan sortutakoena eta horiei lotutako industrietan —arrantza eta akuikultura barne— sortutakoena barne.

Errekuntza-ganberako biomasaren jarduketa mota, berriz, airea edo ke beroak sortzeko errektuntza sortzen duten ekipo termikoek osatzen dute, lehortegi, galdara edo labe bati egokitzeko modukoak direnek, ekipo osagarriak barne. Errekuntza-ganberak honako hauez osatuta daude: barneko estaldura erregogorra, aireztapen-sistema, parrila, zirkoiak, kolektorea, hodia, hodia, ganberaurrea, errautsak erauzteko sistemak, etab.

Tipologia horietako instalazioek berotegi-efektuko gas-emisioak gutxienez % 80 murriztea lortu beharko dute, «Klima-helburuetarako laguntza kalkulatzeko koefizientea» % 100 izan dadin, Suspertze eta Erresilientzia Mekanismoa ezartzen duen (EB) 2021/241 Erregelamenduko VI. Eranskinak ezarritakoa betez.

Gainera, toki-berokuntzako aparatuak edo MW 1etik beherako galdarak biltzen dituzten aplikazio ez-industrialeko jarduketek:

- Ekipoaren fabrikatzailearen akreditazio bat aurkeztu beharko dute, non egiaztatzen den urtaroko energia-efizientziari eta erabiliko den erregairako emisioei lotutako eskakizunak beteko direla, eta kontuan izanda betiere eskakizun horiek ezin izango direla izan indarreko Ekodiseinuari buruzko Erregelamenduan (Batzordearen (EB) 2015/1185 Erregelamenduaren edo Batzordearen (EB) 2015/1189 Erregelamenduaren artean dagokiona) definitutakoak baino exijentzia-maila txikiagoak, haren aplikazio-eremutik kanpo egon arren.



- Oinarri hauetan ezarritako betebeharrak eskatzen diren gisa, onuradunak dokumentu-erregistro nahikoa atxikiko du, baldin erabilitako erregaia erakunde independente akreditatu batek emandako ziurtagiria duela akreditatzea ahalbidetuko duena, A1 klasea betetzeari buruzkoa UNE-EN-ISO 17225-2 arauan ezarritakoaren arabera, A1 klasea betetzeari buruzkoa UNE-EN-ISO 17225-3 arauan ezarritakoaren arabera, A1 klasea betetzeari buruzkoa UNE-EN-ISO 17225-4 arauan ezarritakoaren arabera, A1 klasea betetzeari buruzkoa UNE-164003 arauan ezarritakoaren arabera, edo A1 klasea betetzeari buruzkoa UNE-164004 arauan ezarritakoaren arabera. Zuzeko egurrez elikatutako ekipoak biltzen dituzten jarduketak ere subentzionatu ahal dira, betiere M20 propietate klasea betetzen badute UNE-EN-ISO 17225-5 arauan ezarritakoaren arabera, eta 50.000 biztanletik gorako udalerrietan edo probintziako hiriburuetan egiten ez badira. Erregai horiekin soilik funtzionatzen duten ekipoak subentzionatu ahal dira bakarrik. Bost urteko epean gordeko da erregistro hori, bioerregaiaren albaran edo salmentafakturak barne. Haien potentziaren arabera, mantentze prebentiboko programa baten arabera mantendu beharko dira, eta horren eragiketa eta aldizkakotasunak egokitu beharko dira, Eraikinetako Instalazio Termikoen Erregelamendua onartzen duen uztailaren 20ko 1027/2007 Errege Dekretuaren IT 3.3aren (Mantentze prebentiboaren programa) 3.3 Taulan (Mantentze prebentiboko eragiketak eta haien aldizkakotasuna) aurreikusitakoari jarraikiz. Horrez gain, ekipoak energia kudeatzeko programa bat izango du, Eraikinetako Instalazio Termikoen Erregelamendua onartzen duen uztailaren 20ko 1027/2007 Errege Dekretuaren IT.3.4 atala bete beharko duena.

Gainera, MW 1etik 50 MW-ra bitarteko instalazioetatik eratorritako emisioek bete egin beharko dituzte, airearen kalitateari eta atmosferaren babesari buruzko azaroaren 15eko 34/2007 Legearen IV. eranskina eguneratzen duen errekontza-instalazio ertainetatik eratorritako agente kutsatzaile jakin batzuen atmosferarako emisioak mugatzeari buruzko abenduaren 22ko 1042/2017 Errege Dekretuaren III. eranskineko edo II. eranskineko I. Koadroko II. Zatiko emisio muga-balioak, baita Estatuan haiei aplikatzekoa den beste edozein legeria ere, dirulaguntza ematen den uztailaren 20ko 1027/2007 Errege Dekretuaren IT.3.4 atala bete beharko duena.

Biomasa bete egingo ditu 2018ko abenduaren 11ko Europako Parlamentuaren eta Kontseiluaren energia berriztagarrietatik eratorritako energia-erabilera sustatzeari buruzko 2018/2001 Zuzendarauaren 29.-31. artikuluetan ezarritako jasagarritasun-irizpideak, baita dagozkion egintza eskuordetuak eta egikaritzekoak ere.

Toki-berokuntzako aparatuek aurrealdea itxita eduki beharko dute.

– Hotzeko eta/edo beroko auzo-mikrosareak.

Instalazio bat tipologia horiei lotuta dagoela ulertuko da, teknologia berriztagarri bat edo batzuk erabiliz, gutxienez bi zentro kontsumitzaile energiagaz hornitzen dituen bitartean, dagozkion truke-geltokien bitartez.

Jarduketa horietarako, jaso beharreko gehieneko laguntza produkzio-instalazioaren potentziako lehen MW izango da, eta/edo truke-potentziako lehen MW. Muga hori gaintzen duten potentziak instalatzeko aukera badago, baina inoiz ere ezin izango da laguntzarik jaso produkzioko eta/edo trukeko, aplikatzekoa denaren arabera, 1 MW-ko potentziaren gainetik.

Mikrosare-instalazio bat 2. Programari atxikiko zaio, baldin eta titularra eta eskatzailea 2.1 Oinarrian aurreikusitako azken hartzaileetako bat bada, ustiapena egiten duen unitatea eta konektatzen diren erabilzaileak edozein izanik ere. 2. programaren barnean hartutako jarduketek honako betekizun hau bete beharko dute: urtean sortutako produkzioaren gutxienez % 80 autokontsumorako izatea.



2009/125/EB Zuzendaritza estalitako haizagailu, konpresore, ponpa eta erabilitako bestelako ekipoei energia-etiketaren goi-klaseko betekizunak eta Zuzendaritza horren arabera inplementazio-erregulazioak betetzen dituztela bermatuko da, baita eskuragarri dagoen teknologiarik onenaren ordezkari direla ere.

Bero- eta hotz-sareekin lotutako jarduketarako, eskaera bakarrean bi tipologia edo gehiago konbinatzeko aukera izango da.

Mikrosare-jarduketetako bat ere ezin izango da sorkuntza termiko ez-berriztagarriarekin konbinatu.

Egindako instalazioek, bidezko bada, uztailaren 20ko 1027/2007 Errege Dekretuak onartutako Eraikinetako instalazio termikoen erregelamenduan (EITE) ezarritako baldintzak bete beharko dituzte, baita hura onartzen duen martxoaren 23ko 178/2021 Errege Dekretua eta aplikatzekoa zaien beste edozein araudi ere.

Oinarri hauetan onartutako edozein pizgarri-programari lotutako instalazio guztiek, toki-berokuntzako aparatuen Biomasa tipologia izan ezik, dirulaguntzaren xede den instalazioak sortutako energia termikoa monitorizatzeko sistema bat eduki beharko dute.

Sistema horren funtzionalitateak honako hauek izango dira:

- Sistema horrek erakutsi beharko du, gutxienez, instalazio berriztagarriak egunean, hilean eta urtean sortutako energia.
- Aurrekoaz gainera, sistemak datu gehigarriak erakusteko aukera ere izango du, hala nola saihestutako CO2 emisioak eta instalazioaren jabearentzat sortutako aurrezki ekonomikoa.
- Pantaila bat jarriko da ondo ikusteko moduko toki batean, eta bertan datu horiek eguneratua erakutsiko dira 70 kW-tik gorako potentzia duten instalazioetarako edo 14 kW-tik gorakoetarako eguzki-teknologia termikoen kasurako, eta potentzia horien azpitik daudenetarako, berriz, datuetan sartzeko aukera izango da instalazio berriztagarriaren ekipotako baten bitartez.
- Horrez gain, informazio hori gailu mugikorren edo Web aplikazioen bidez eskuratzeko aukera bermatuko da.

Instalazioetako ekipo nagusiak berriak ez badira edo alde aurretik erabili badira, instalazio horietan inbertitzeko proiektuek ezin izango dute laguntza jaso. Energia berriztagarriaren teknologia definitzen duten produkzio-ekipoak izango dira ekipo nagusiak.

IE.2 Kostu hautagarriak


1. Oro har, arraian zerrendatzen direnak dira kostu hautagarriak:

- a) Laguntzaren xede den jarduketa tipologiekin lotutako ekipo eta materialetan inbertitzea, hala badagokio, biltegitratze-sistemei dagokiena barne.
- b) Laguntzaren xede diren jarduketa tipologiekin lotutako obrak eta/edo instalazioak egikaritzeko kostuak.
- c) Ekipamendu elektromekanikoak, hidraulikoak, kontrolekoak eta osagarriak, laguntzaren xede den jarduketarekin lotuta daudenean.



- d) Laguntzaren xede den proiektuarekin hornitutako instalazio kontsumitzaileen energia termikoaren produkzioa eta eskaria kudeatzeko, aktiboki kontrolatzeko eta monitorizatzeko sistemak, kudeaketa eta produkzioa optimizatzeko lagungarri direnak. Ekipo horiek laguntzaren onuradunaren jabetzakoak izango dira, eta laguntzaren xede den jarduketari lotuko zaizkio:
- e) Obra zibilak, laguntzaren xede diren jarduketekin zerikusia dutenean, eta proiektua behar bezala egikaritzeko beharrezkoak diren obrak, esaterako, estalkia indartzeko edo, hala badagokio, produkzio-instalazioak okupatutako estalkiaren zati proportzionala ordeztzeko lanak. Gainera, honako partida hauek obra zibil subentzionagarritzat hartuko dira: proiekturako beharrezkoak diren eraikuntzak; landak, hondeaketak, zangak eta kanalizazio eta hodiak; igeltserotza-laguntzak; beharrezkoak diren instalazio osagarriak; makina-gelen egokitzapenak; instalazioaren barne-zortasuneko bideak; instalaziorako sarbideen egokitzapena; kontrol-eraikinak; muntaketa-plataformak; aldi baterako instalazioak; zaharberritze-lanak; eta obren ondoko ingurumen-neurri zuzentzaileak.
- f) Barne-banaketa eta ekipo terminalak bero-ponpako instalazioetan hautatu ahalko dira, betiere, baldin eta efizientzia handiko ekipo terminalak instalatzen badira, hala nola tenperatura baxuko erradiadoreak, zoru bero-emailea edo bentilokonbektoreak.
- g) Kokalekuan lehendik dauden instalazioak eraistearen kostua kostu hautagarritzat jotzen da baldin eta honako baldintza hau betetzen bada: sortutako eraikuntza- eta eraispén-hondakinak gutxienez % 70 (pisu garbian, eta LER 17 05 04 kodea duten hondakinak alde batera utzita), beste material batzuk birbalerizatzeko, birziklatzeko eta berrerabiltzeko prestatzea, beste material batzuk ordeztzeko hondakinak erabiliz gauzatutako betetze-eragiketak barne. Ildo beretik, eraispén dakarten proiektu finantzatuetan, eraispén selektiboaren praktika hartuko da barne.
- h) Laguntzako jarduketa tipologiekin lotutako proiektu edo memoria teknikoaren idazkuntzaren kostuak.
- i) Laguntzako jarduketa tipologiekin lotutako zuzendaritza fakultatiboaren kostuak.
- j) Laguntzaren xede diren jarduketa tipologiekin lotutako obraren eta muntaketaren Segurtasuna eta Osasuna koordinatzea.
- k) Laguntza eskatzeko kudeaketa-gastuak, txostenen idazkuntza eta eskaera egiteko eskatutako gainerako dokumentazioa barne. Xede horretarako, laguntza-eskaera kudeatzeko kostutzat hartuko dira, laguntzaren eskatzaileak edo azken hartzaileak, autonomia-erkidegoaren aurrean bere eskaeraren kudeaketa administratiboa eta dokumentala egiteko, enpresa edo profesional bati ordain liezazkiokeen gastuak. Gastu horiek hautagarritzat hartu ahal izateko, laguntza-eskaeran bildutako aurrekontuan islatu beharko dira, eta, jarduketaren gainerako gastuekin batera, kontratu, faktura eta ordainagirien bitartez justifikatu. Eskatutako laguntzaren zenbatekoaren % 4 gainditzen ez duten kudeaketa-gastuak bakarrik izango dira hautagarriak, espediente bakoitzeko 3.000 euroko mugarekin.
- l) Jarduketak egin izana justifikatzeko kudeaketa-kostuak, laguntza horiek justifikatzeko txostenak eta eskatutako gainerako dokumentuak idaztearen kostuak barne. Horri dagokionez, laguntzako jarduketak egin izanaren justifikazioaren kudeaketa-gastutzat hartuko dira, laguntzaren azken hartzaileak, proiektua osatzen duten jarduketak egin izana organo instruktoreari justifikatzeko kudeaketa teknikoa, administratiboa eta dokumentala burutzeagatik enpresei edo profesionalei ordaindu ahalko lizkiekeen gastuak.
- m) Justifikazio-kontuari buruzko auditorearen txostena.

2022ko martxoaren 21a, astelehena



- n) Beharrezko gisa ongi justifikatu diren beste partida batzuk, lagungarriak izan edo ez, atal honetako 3. puntuan gastu ez-subentzionagarri gisa bildutakoez aparteak.

2. Horrez gain, espezifikoki eta teknologia batzuen bereizgarriak aintzat hartuta, subentzionagarritzat jotzen diren beste jarduketak batzuk adierazten dira jarraian.

Geotermiaren kasuan, hautagarritzat hartuko dira, lotutako obra zibila eta beharrezko instalazio osagarriak, eta horrekin batera instalazioaren diseinua egin baino lehenagoko alde aurreko azterlan, entsegu eta simulazioak egitearen kostua, baita zundaketa, indusketa, zimentazio, lubaki, urbanizazio eta instalazio horien ustiapenerako beharrezkoak diren gainerako elementuak ere. Biomasaren kasuan, erregaia deskargatu, mugitu eta biltegitratzeko ekipo eta sistemak hartuko dira hautagarritzat.


3. Aurreko puntuko l), m) eta n) ataletan adierazitako jarduketak egin izana justifikatzeko gastuak ordaintzeko guztira onartutako gehieneko kostu hautagarriak ezin izango du osorik eskatutako laguntzaren zenbatekoaren % 7 gainditu, espediente bakoitzeko 7.000 euroko mugarekin. Zerbitzu horien burutzapena eta fakturazioa, justifikazio-dokumentazioa aurkezteko emandako aldiaren egin ahalko da.

Ez da hautagarritzat hartuko aurrekoak ez bezalako ezein kostu, ezta laguntzaren azken hartzaileari 1124/2021 ED indarrean hasten den data (2021eko abenduaren 23a) baino lehen fakturatu zaion ezein kostu ere.

4. Honako kontzeptu hauetan bildutako gastuak ez dira subentzionagarritzat hartuko.

- a) Jasanarazitako Balio Erantsiaren gaineko Zerga.
- b) Gastu propioak, langileei lotutako gastuak, funtzionamendukoak edo gastu orokorrak izan.
- c) Ingurumen-inpaktuko azterlanak eta proiektu teknikoak ikus-onesteko kostuak.
- d) Proiektua garatzeko eskatzaileak ordaindu beharreko gainerako sustapen-gastu guztiak.
- e) Administrazio-baimenak, lizentziak, baimenak, abalen eta/edo fidantzen, isunen, tasen edo tributuen kostua.
- f) 1. atalean bilduta ez dauden gestio, kontratazio, kontsulta edo izapide administratiboekin lotutako gainerako gastu guztiak, baimenak edo lizentziak lortzeko beharrezkoak direnak.
- g) Inbertsio-proiekturako zein ebakuazio-azpiegiturarako erabilitako lurra erostearen edo alokatzearen kostua.
- h) Eskatzaileak harpidetutako aseguruak.
- i) Zaintza eta segurtasuna, obra egikaritu bitartean eta martxan jarri arte.
- j) Errepide publikoetako eta instalaziorainoko bideetako sarbideak egokitzea.
- k) Finantza-kostuak.

5. Aurrekoaren salbuespen gisa, 2. pizgarri-programarako kostu hautagarritzat hartuko da jasanarazitako Balio Erantsiaren gaineko Zerga (BEZa), betiere horiek guztiz edo partzialki berreskuratzeko edo konpentsatzeko aukerarik ez badago.



II. ERANSKINA

AZKEN HARTZAILEEI ESKATU BEHARREKO DOKUMENTAZIOA

All.1 Laguntza-eskaera egiteko eskatutako dokumentazioa

a) Establezimenduko pertsona fisiko titularren NANaren –edo atzerriko herritarren nortasuna egiaztatzen eta AIZ jasotzen duen dokumentu baliokidearen– edo pertsona juridikoaren IFZ jasotzen duen identifikazio fiskaleko txartelaren fotokopia, baita, kasu batean zein bestean, ordezkariaren agiriaren fotokopia ere.

Eskatzailearen IFZren kopia eta, hala badagokio, haren ordezkariarena. NANaren kopia aurkeztea ez da beharrezkoa izango baldin eta interesdunak EEerri espresuki baimena ematen badio bere nortasun pertsonaleko datuak kontsulta ditzan Nortasun Datuak Egiaztatze Sistemaren bitartez. Nolanahi ere, 39/2015 Legeko 28. artikuluan ezarritakoa betez, interesdunak salbuetsita egongo dira edozein administrazio egindako dokumentazioa edo haiek lehenago aurkeztutako dokumentazioa aurkeztetik, betiere interesdunak administrazio jarduleari ukatzen ez badio dokumentu horiek kontsultatu edo biltzeko baimena.

Bestetik, Datu pertsonalak babesteari eta eskubide digitalen bermeari buruzko abenduaren 5eko 3/2018 Lege Organikoaren zortzigarren xedapenak administrazio publikoei eskumena ematen die bere esku dauden datu pertsonalak egiaztatzeko, datu horien zehaztasuna egiaztatzearen.

Eskaera ordezkari baten bitartez aurkezten bada, laguntza-eskaeraren sinatzaileak ongi akreditatuta egon beharko du legeak ezarritakoari jarraikiz.

b) Eskatzaileak edo haren ordezkariak sinatutako erantzukizunpeko adierazpena, non zehatz-mehatz jasota geratuko d(ir)en jarduketaren eskatzaile(k) edo eskatzaileak(ek):


1. Ez daudela Dirulaguntzei buruzko Legearen 13. artikuluan aurreikusitako egoeren arteko ezeinetan, espresuki adierazita bestelako dirulaguntza edo laguntzak itzultzeko betebeharririk ez dutela edo, izatekotan, zorrotz betetzen dituztela betebeharririk, Dirulaguntzei buruzko Erregelamenduko 21. artikulua ezarritako baldintzetan.

2. Zerga-betebeharrak eta Gizarte Segurantzarekikoak betetzeari dagokionez eguneratuta daudela, Dirulaguntzei buruzko Erregelamenduko 22. artikuluan ezartzen denez.

Laguntza-eskaera aurkezteak berekin ekarriko du eskatzaileari baimena ematea organo emaileak zuzenean lortu dezan Dirulaguntzei buruzko Erregelamenduko 18. eta 19. artikuluetan aurreikusitako zirkunstantzien akreditazioa, ziurtagiri telematikoen bitartez.

Nolanahi ere, eskatzaileak espresuki ukatu ahalko dio organo emaileari baimen hori emateko aukera, eta kasu horretan 1. atalean aurreikusitako erantzukizunpeko adierazpena aurkezteaz gain, ziurtagiria aurkeztu beharko du bere zerga-betebeharrak eta Gizarte Segurantzarekikoak betetzen dituela eta egoitza fiskala egiaztatzeko.

3. Ez duela jarduketa edo xede bererako beste laguntzarik eskatu edo jaso. Eskatu badiu, eskatutako edo lortutako laguntzaren zenbatekoa adierazi beharko du, baita laguntza eman duen administrazio, erakunde edo entitate publikoa ere.



4. Datuak lagatzeari eta tratatzeari buruzko adierazpena Suspertze, Eraldaketa eta Erresilientzia Planeko jarduketaren egikaritzapenari dagokionez, Suspertze, Eraldaketa eta Erresilientzia Planaren kudeaketa-sistema konfiguratzeko duen eta EEEn web-orrian eta Euskadi.eus webgunean laguntzak azken erabiltzaileen eskura jartzen dituen irailaren 29ko HFP/1030/2021 aginduaren IV. eranskinean barne hartutako ereduaren arabera.

5. Aurreko atalekiko gehigarri gisa, honako hauek ekarriko ditu 1. pizgarri-programak:

1. Azken hartzailea krisian dagoen pertsona ez dela dioen adierazpena, krisian dauden enpresak salbatzeko eta berregituratzeko estatu-laguntzei buruzko Europako Erkidegoko Jarraibideek ezarritakoaren arabera (Batzordearen komunikazioa, 2014/C 249/1, 2014ko uztailaren 31koa).

2. Enpresa motari edo kategoriari buruzko adierazpena, 2003ko maiatzaren 6ko batzordearen gomendioaren eranskinaren 2. artikulua arabera (2003/361/EE), edo mikroenpresen, eta enpresa txiki eta ertainen definizioari buruzko 651/2014 Erregelamenduren I. eranskinaren arabera.

c) Proiektuak kalte esanguratsurik ez eragitearen printzipioa (do not significant harm-DNSH printzipioa) betetzearen justifikazioa, (EB) 2019/2088 Erregelamendua aldatzen duen inbertsio jasagarriak errazteko esparru bat ezartzei buruzko 2020ko ekainaren 18ko Europako Parlamentuaren eta Kontseiluaren (EB) 2020/852 Erregelamenduan ezarritako ingurumen-helburuei dagokienez. 100 kW-ko potentzia gainditzen ez duten jarduketarako betetze horren erantzukizunpeko adierazpen bat aurkeztu beharko du eskatzaileak. Horri begira, gida batzuk argitaratu ditzake, justifikazio horren elaborazioa errazteko.

j) Laguntza-eskaera, eskatzaileak, edo, hala badagokio, haren ordezkariak, sinatua, non, besteak beste, honako datu hauen berri eman beharko duen, III. ERANSKINEAN ezarritakoari jarraikiz:

Jarduketa subentzionagarriaren tipologia	
Jarduketa subentzionagarriaren deskribapena	
Potentzia (Ps)	kW
Proiektuaren K_T kostu totala	€
Kht kostu hautagarri totala, partiden banakapena barne	€
Khu kostu hautagarri unitarioa [$Khu = Kh_T / Ps$]	€/kW
Kuf erreferentziako instalazioaren kostu unitarioa AIII.2 eranskinaren arabera (1. pizgarri-programarako)	€/kW
Ksu kostu subentzionagarri unitarioa [1. pizgarri-programa: $Ksu = Khu - Kuf$ 2. pizgarri-programa: $Ksu = Khu$]	€/kW
Ksum kostu subentzionagarri unitario maximoa AIII.2 eranskinaren arabera	€/kW
Kostu subentzionagarri totala [$Ksu_T = Ps \times \min(Ksu, Ksum)$]	€
Eskatutako laguntzaren gehieneko zenbatekoa	€

Hibridazioetarako eta, kasuan-kasuan, bero-mikrosareetarako taula osatuko da jarduketa tipologia bakoitzerako zutabe bat sartuz.



e) Jarduketak egikaritu(du)en enpres(ar)en aurrekontua, behar bezainbeste banakatua, 1124/2021 Errege Dekretua BOEn argitaratu ondorengo data duena (2021eko abenduaren 22a). Kontratazio publikoko araudiaren eraginpeko azken hartzaileen kasuan, dagozkion lizitazio-agirien zirriborroak ordeztu ahalko du adierazitako dokumentazio hori.

f) 100 kW-tik gorako potentzia izendatuko programetarako, txosten bat aurkeztu beharko da honako hauek barnean hartuta:

i. Plan estrategiko bat, instalazioko osagaien jatorria edo fabrikazio-tokia (nazionala, Europakoa edo nazioartekoa) adieraziko duena, baita aurreikuspenen arabera proiektuak ETEak eta autonomoak bultzatzeko izango duen eragina ere. Toki-enpleguan eta tokiko, eskualdeko eta estatuko industriako balio-katearen gaineko estimazioak ere barnean hartu beharko ditu, laguntzen azken hartzaileek Espainian enplegu-sorrera sustatzeko helburuarekin, eta Europar Batasunean dauden hornitzaileei lotutako ekipoen, osagaien, sistemen integrazioen eta softwarearen erosketak ere sustatu dezaten, horrela hornidura-katearen segurtasuna ere hobetzeko. Dokumentu hori EEEn webgunean argitaratuko da.

ii. Hondakin eragin bada, egindako obra zibil horietan sortutako eraikuntza- eta eraipen-hondakinen % 70eko balorizazioa betetzen dela behar bezala egiaztatzea laburpen-memoria bat aurkeztuta, non sortutako hondakinen kantitate osoa adieraziko den LER kodeen arabera sailkatuta, baita helmugako kudeatzaileen ziurtagiriak ere, lortutako balorizazio-ehunekoa bertan adierazita. Balorizatu ezin daitezkeen hondakin arriskutsuak ez dira kontuan hartuko helburu hori lortzeko.


g) Egin beharreko jarduketak eta abiapuntu-egoera bertan behar bezala deskribatzen diren proiektua edo, proiekturik behar ez bada, memoria teknikoak, teknikari eskudunak edo, kasuan-kasuan, instalatzaile batek sinatua. Proiektu edo memoria teknikoan honako hauek ere bilduko dira:

1. Biomasa-jarduketetarako, honako hauek hartu beharko dira barnean:

i. Berotegi-efektuko gasen emisioen murrizketari dagokionez, erabiliko diren erregai guztien balio lehenetsia % 80 edo handiagoa dela dioen adierazpena, iturri berriztagarrietatik eratorritako energiaren erabilera sustatzeari buruzko (EB) 2018/2001 Zuzentarauaren VI. eranskinean beroa sortzeko adierazitakoen arabera, produkzio-sistema eta balio lehenetsi hori osatzen duten gainerako baldintzak kontuan hartuz, erregaiaren edo erregaien deskribapena eta balio lehenetsiak adierazita.

Erabiliko diren erregaietako batek aurreko betekizun hori betetzen ez badu, eskumeneko teknikari independente batek edo enpresa instalatzaileak sinatutako memoria bat aurkeztuko da, non justifikatuko den, proiekturako aurreikusitako baldintzak aintzat hartuz eta VI. eranskin horretan jasotako metodologiarekin bat etorritik, erregai horretarako berotegi-efektuko gasen murrizketa % 80 edo handiagoa dela.

ii. Erregaiak: 1 MW baino gutxiagoko instalazioetarako, UNE-EN-ISO 17225 arauaren, UNE 164003 arauaren edo UNE 164004 arauaren arabera erabili beharreko erregaiaren informazioa, eta 1 MW-ko edo gehiagoko instalazioetarako, deskribatu egin beharko da, arau horretan bildutako erregaiak ez bada.



iii. Toki-berokuntzako aparatuak edo erabilera ez-industrialetarako 1 MW-tik beherako galdarak barnean hartzen badira, ekipoaren fabrikatzailearen akreditazio bat aurkeztu beharko dute, non egiaztatzen den urtaroko energia-efizientziari eta erabiliko den erregairako emisioei lotutako eskakizunak beteko direla, eta kontuan izanda betiere eskakizun horiek ezin izango direla izan indarreko ekodiseinuari buruzko erregelamenduan (batzordearen (EB) 2015/1185 Erregelamenduaren edo batzordearen (EB) 2015/1189 Erregelamenduaren artean dagokiona) definitutakoak baino eskakizun-maila txikiagoak.

iv. Toki-berokuntzako aparatuak edo erabilera ez-industrialetarako 1 MW-tik beherako galdarak barnean hartzen badira, onuradunaren adierazpen bat aurkeztu beharko dute, non honako konpromiso hau hartuko duten: galdaran erabilitako erregaiak erakunde independente akreditatu batek emandako ziurtagiria duela egiaztatzea, A1 klasea betetzeari buruzkoa UNE-EN-ISO 17225-2 arauan ezarritakoaren arabera, UNE-EN-ISO 17225-3 arauaren A1 klaseari buruzkoa, UNE-EN-ISO 17225-4 arauaren A1 klaseari buruzkoa, UNE-164003 arauaren A1 klaseari buruzkoa edo UNE-164004 arauaren A1 klaseari buruzkoa. Egurraren kasuan M20 propietate klasearekin bete beharko du UNE-EN-ISO 17225-5 arauan ezarritakoaren arabera. Konpromisoa hartzen du, halaber, dokumentu-erregistro bat 5 urteko epean mantentzeko, aurrekoa akreditatzea ahalbidetuko duten bioerregaien salmenta-albaran edo salmenta-faktorekin.

v. Kasuan-kasuan, ordeztutako ekipoetan erabilitako potentzia eta erregai.

2. 2. pizgarri-programara biltzen diren beroaren edo hotzaren auzo-mikrosareen jarduketarako, eskumeneko teknikari edo enpresa instalatzaile batek sinatutako erantzukizunpeko adierazpena aurkeztu beharko da, non aurreikusiko den instalazioari lotutako kontsumitzaileak edo kontsumitzaileek kontsumitutako energiaren batura, urtean, instalazio horrek urtean sortutako energiaren % 80 edo gehiago izango dela. Behin instalazioa egikaritu ondoren ere justifikatu egin beharko da estimazio hori, baita dagokion laguntzaren ordainketa ebatzi aurretik ere, AII.2 ERANSKINEKO b) letrako 7. zenbakian adierazitakoaren arabera.

AII.2 Egindako jarduketak justifikatzeko eskatutako dokumentazioa


Laguntzen azken hartzaileek deialdia egiten duen organoaren aurrean justifikatu beharko dute laguntzaren xede izan diren jarduketak egikaritu dituztela, jarraian zerrendatzen diren dokumentuetan jasotakoa egiaztatuta:

a) Jarduketak ongi egin direla justifikatzen duen txostena, behin betiko proiektua egin duen eskumeneko teknikari tituludunak —edo, halakorik ezean, obra zuzendariak, edo, bidezko bada, egikaritutako instalazioaren azken memoria teknikoa egin duen enpresa instalatzaileak— sinatua, datatua eta emana.

Txosten horretan justifikatu beharko da jarduketak ongi gauzatu direla, oinarrietan eta laguntzaren emakidan ezarritako baldintzak betez, eta benetan egikaritu dena eta lortutako emaitzak jasoko dira. Txertatutako monitorizazio-sistemaren deskribapena jaso beharko da, I. ERANSKINEKO AI.1 atalean adierazitakoaren arabera.

b) «Ex post» jarduketa ongi egikaritu dela justifikatzen duen dokumentazioa, egikaritutako jarduketa motaren arabera, kasuan-kasuan, eta nahitaezkoa denean:

1. Obra-zuzendariak eta obra-egikaritzapenaren zuzendariak sinatutako ziurtagiria, nahitaezkoa bada.



2. Instalazio termikoaren ziurtagiria, gaitutako instalatzaileak eta instalazioaren zuzendariak sinatua, azken horren parte-hartzea nahitaezkoa denean, autonomia-erkidegoko eskumeneko organoak erregistratua Eraikinetako Instalazio Termikoen Erregelamenduetarekin bat etorritik.

Horrez gain, ustiapen-baimena edo zerbitzuan jartzeko akta lortzeko autonomia-erkidegoko eskumeneko organoari eman zaion diseinu-memoria teknikoa edo proiektuaren kopia erantsiko da, kasuan-kasuan, eta/edo instalazio termikoaren ziurtagiria.

3. Erabilera ez-industrialetarako 1 MW-tik beherako potentziako biomasa tipologiako eskaerarako, azkenean instalatutako ekipoak ez badira eskaeran adierazi ziren berberak, edota horren berri eman ez bazuten, proiektuak egikartzeko lizitazio bat egiteko betebeharra duen erakunde publiko bat izanik, azkenean instalatutako ekiporako ekipoaren fabrikatzailearen akreditazio bat aurkeztu beharko da, non egiaztatzen den urtaroko energia-efizientziari eta erabiliko den erregairako emisioei lotutako eskakizunak beteko direla, eta kontuan izanda betiere eskakizun horiek ezin izango direla izan indarreko ekodiseinuari buruzko erregelamenduan (Batzordearen (EB) 2015/1185 erregelamenduari edo batzordearen (EB) 2015/1189 Erregelamenduari artean dagokion) definitutakoak baino eskakizun-maila txikiagoak.

4. 1 MW-tik gorako edo potentzia berdineko eta 50 MW-tik beherako potentziako biomasa-instalazioetarako, 1042/2017 Errege Dekretuaren II. eranskinaren I. koadroko II. zatian edo III. eranskinaren ezarritako emisio-mugako balioak akreditatzea. Kontrol-erakundearen dagokion ziurtagiriaren bidez egingo da akreditazioa, autonomia-erkidegoetako agintaritzak eskudunak ezarritako formatu eta prozeduren arabera.

5. 100 kW-ko potentzia gainditzen duten jarduketarako, dokumentazio eguneratua, azkenean gauzatutako jarduketarako islatuko edo berretsiko duena AII.1.f) atalean eskatutakoa, osagaien jatorriari eta ezaugarriari, proiektuaren inpaktuari eta kalte esanguratsurik ez eragitearen printzipioari dagokienez.

6. Bero-ponpen kasuan (aerotermita, hidrotermia, geotermita), AII.1 atalean aurreikusitakoa egiaztatzeko, SPF balioa egiaztatuko da ekipoaren fabrikatzailearen zehaztapen teknikoaren bitartez (atal honek zehaztutako txostenaren eranskin gisa jasoko da), edo bestela, balio hori atal honetan zehaztutako txostenaren bitartez jasoko da.

7. 2. pizgarri-programara bildutako beroaren edota hotzaren auzo-mikrosareen kasuan, eskumeneko teknikari edo enpresa instalatzaile batek sinatutako txostena, non justifikatuko den instalazioari lotutako kontsumitzaileak edo kontsumitzaileek kontsumitutako energiaren batura, urtean, laguntzaren xede den instalazioak urtean sortutako energiaren % 80 edo gehiago dela.

c) Egindako jarduketei buruzko eskaera eta/edo kontratuen zerrenda (horrelakorik bada), laguntzaren azken hartzaileak sailkatua eta sinatua.

Kontratazio publikoa tartean izanez gero, laguntzaren xede diren jarduketak egiteko laguntzaren azken hartzaileak sinatutako kontratuen zerrenda ziurtatua eta kopia, baita kontratazio prozedura justifikatzen duen dokumentazioa ere: kontratatzailearen profilaren web helbidea, agiriak, lizitazio-iragarkiak eta kontratuen formalizazioa, kontratazio-organismoaren akordioak. Esleipendun diren kontratistak eta azpikontratistak identifikatu behar dira, AEATko Enpresaburu Profesionalek eta Atxikitzaileen Erroldan edo erakunde baliokidean duten alta barne, garatzen duten jardura ekonomikoa islatuz, eta haiek egindako adierazpena Suspertze, Eraldaketa eta Erresilientzia Planeko jarduketak egikartzeari dagokionez euren datuak lagatzen dituztela eta tratatzen dituztela adieraziz.



d) Kostu subentzionagarriaren zenbatekoak gainditzen baditu kontratu txikirako aplikatzeko den kontratazio publikoko araudian ezarritako zenbatekoak, eta, betiere, Dirulaguntzei buruzko Legeko 31.3 artikulua aurreikusitako kasuetako baten aurrean ez bagaude, laguntzaren azken hartzaileak egiaztatu beharko du gutxienez hiru hornitzailei eskaintzak eskatu dizkiela, agindu horretan ezarritakoa betez, eta memoria bat ere aurkeztu beharko du, non hornitzailearen hautaketa arrazoizko moduan justifikatuko den, baldin eta eskaintza ekonomiko onuragarriena hautatu ez bada.

Dokumentazio horretan betiere errespetatu beharko da oinarri hauetan (4.3. oinarria) jarduketaren pizgarri-izaerari dagokionez ezarritakoa. Horregatik, egikaritze-konpromiso irmo baten data ezin izango da oinarri horretan adierazitakoa baino lehenagokoa izan.

e) Fakturen eta dagozkien bankuko ordainketa-egiaztagirien zerrenda sailkatua, eta laguntzaren azken hartzaileak sinatua, egindako inbertsio hautagarriari dagozkionak, eta aurkeztutako aurrekontu eta kontratuei erantzungo dietenak, eta dokumentu horien kopia.

f) Foru Zerga Administrazioak eta Gizarte Segurantzak emandako ziurtagiriak, laguntzen azken hartzaileak bere zerga-betebeharrak eta Gizarte Segurantzarekikoak betetzen dituela justifikatzen dutenak, eta deialdia egiten duen erakundeak ofizios egiaztatuko ditu, Dirulaguntzei buruzko Erregelamenduko 22. artikuluan xedatutakoari jarraikiz, espedientean hori jasota utzita eta, kasuan-kasuan, interesdunaren alde aurreko adostasunarekin.

g) Horrelakorik bada, pizgarri-programa hauen testuinguruan eskatutako jarduera edo helburu bererako kobratutako beste dirulaguntza edo laguntzak daudela akreditatzen duen erantzukizunpeko adierazpena, edozein administrazio, erakunde edo entitate publikoren laguntzak izanik ere, estatukoak edo nazioartekoak.

h) Egindako jarduketaren argazki-erreportajea, jarduketaren ondorengo eraikinaren egoeraren, eta kasuan-kasuan, laguntzaren xede diren ekipo eta instalazio nagusien egoeraren argazkiak biltzen dituenak, I. ERANSKINEKO AI.1 atalean adierazitako energia bisualizatzeko sistema eta jarduketaren publizitate- edo seinaleztatze-kartela erakutsita.

i) Laguntzen azken hartzailearen Interneteko gunearien informazioa eta bertan sartzeko esteka, gunerik badu, eta bertan laguntzen azken hartzaile horrek jendeari informazioa emango dio Next Generation Funtsetatik edo Suspertze, Eraldatze eta Erresilientzia Planetik lortutako laguntza posibleaz edota, kasuan-kasuan, Europar Batasuneko dagokion tresnatik jasotakoaz, eragiketaren deskribapen labur bat eginez, proportziozko moduan emandako laguntza-mailarekiko, laguntzaren helburu eta emaitzekin, eta Europar Batasunaren finantza-laguntza nabarmenduz betiere.

j) Zerrendatutako transakzio guztietarako (diru-sarrerak eta ordainketak, kasuan-kasuan, laguntzen diru-sarrera, hornitzaileei egindako ordainketak, eta abar, barne) bereizi edo desberdindu bat dagoela justifikatzen duen dokumentazioa.

k) Erantzukizunpeko adierazpena, laguntzen azken hartzaileen justifikazioaren aurrekoa, honako hauek bermatuko dituenak:

1. Estatuko eta Europar Batasuneko arauak betetzea, honelako jarduketei aplikatzekoak diren aukera-berdintasuneko eta diskriminaziorik ezeko betekizunei dagokienez.



2. Estatuko eta Europako Erkidegoko ingurumen-arauen betetzea, baita garapen jasangarriari buruzkoena ere, zehazki eta Suspertze, Eraldatze eta Erresilientzia Planaren edukiari kasu eginez, ekonomia zirkularreko printzipioak errespetatu direla eta ingurumenean inpaktu negatibo esanguratsuak saihestuz (DNSH) plan horren esparruan gauzatutako jarduketan egikaritzapenean, eta adierazten du ez dela finantzaketa bikoitzean erori eta, kasuan-kasuan, ez duela berretsi bateraezintasun-arriskurik dagoenik estatuko laguntzen erregimenarekin,

3. Estandar zorrotzenekiko konpromisoa arau juridikoak, etikoak eta moralak betetzeari dagokionez, iruzurra, ustelkeria eta interes-gatazkak prebenitzeko eta detektatzeko beharrezkoak diren neurriak hartuta, betiere, kasuan-kasuan, ikusitako ez-betetzeak dagozkion agintariei jakinarazita (EEEren webgunean eskuragarri egongo den ereduaren arabera).


l) Funtsen azken hartzailea identifikatzea (laguntzen azken onuradunak, kontratistak eta azpikontratistak, honako hauen bidez: IFZ, izena, helbidea, NIF, AEATko Enpresaburu Profesionalen eta Atxikitzaileen Erroldako edo erakunde baliokideko alta (jarduera ekonomikoa garatzen badute) eta datu horien lagapenaren onarpena inplikaturako administrazio publikoen artean.

m)

n) 1.000.000 eurotik gorako kostu hautagarria duten proiektuetarako nahitaez, justifikazio-kontua aurkeztu ahalko da auditore-txostenarekin batera, Dirulaguntzei buruzko Erregelamenduko 74. artikuluan aurreikusitakoari jarraikiz, emakida-ebazpen bakoitzean deialdia egiten duen erakundeak zehaztuko duen norainokoarekin.

Nolanahi ere, behin jarduketa gauzatu eta justifikatzeko epea amaitu denean, egindako gastuen zati bat baino ordaindu ez bada, proportzionaltasun-printzipioa aplikatuko da, dagokion laguntza jasotzeko eskubidea galtzeari dagokionez.

Aurrekoa gorabehera, deialdia egiten duen organo instruktoarek akreditazio- eta justifikazio-jarraibide osagarriak lantzeko aukera izango du, jarduketaren konplexutasunak edo laguntzaren zenbateko handiak hori eskatzen dutenean.



III. ERANSKINA

GEHIENEO KOSTU SUBENTZIOAGARRIAK, ERREFERENTZIAZKO KOSTUAK ETA LAGUNTZEN ZENBATEKOA

AIII.1 Laguntzen definizioa

1. Programa honetan araututako laguntzak itzuli beharrik gabeko dirulaguntzak dira, eta, betiere, dagozkion jarduketa subentzionarioak betetzeko helburua dute.

2. Dagozkion emakida-ebazpenean ezarritako zenbatekoko laguntza, jarduketa subentzionarioa denboran eta forman bete izana justifikatu ondoren emango zaio laguntzen azken hartzaileari, programa honetan ezarritako betekizunak eta baldintzak betez.

3. Laguntzen zenbatekoa. Pizgarri-programen barruan eman beharreko kontraprestaziorik gabeko diru-entregak izango dira. Eman beharreko laguntza totalaren zenbatekoa oinarritzko laguntzaren eta kasu bakoitzari egokitu ahalko litzaiokeen laguntza gehigarriaren batura izango da, ondorengo ataletan ezartzen denaren arabera eta, edozein kasutan ere, estatuko laguntzen araudian ezartzen diren mugen mende egongo da zenbateko hori:

1. *Oinarritzko laguntza.* Pizgarri-programa bakoitzerako, ERANSKIN honetako AIII.3 atalean, instalazio berriztagarri termikoaren kostu subentzionario totalaren ehuneko gisa ezartzen da oinarritzko laguntza.

2.º *Laguntza gehigarria:* erronka demografikoagatiko laguntza gehigarri batekin osatu daiteke oinarritzko laguntza, ERANSKIN honetako AIII.3 atalean ezartzen denaren arabera. Laguntza gehigarria AIII.3 atalean definitutako kasu bakoitzean oinarritzko laguntzagatik aplikatzekoa den ehunekoari portzentajezko 5 puntu gehituz egingo da bi programentzat ere.


4. 1. pizgarri-programaren jarduketetarako eman beharreko laguntza totalaren zenbatekoa, edozein kasutan ere, jarduketa tipologiari eta onuradun motari aplikatzekoa den estatuko laguntzen Europako araudiaren aplikazioaren ondoriozko gehieneko zenbatekoak mugatuko du. Era berean, bi programen jarduketarako, eskatzaileak jaso beharreko laguntza totalak ezin izango du gainditu egindako eta justifikatutako jarduketaren totalaren kostu subentzionarioa.

5. Aurreko ataletan aurreikusitakoa EAEko Administrazioak egin ditzakeen zuzeneko inbertsioei aplikatuko zaie.

AIII.2 Kostu subentzionarioak eta laguntzen kalkulua

Bi pizgarri-programetarako, laguntzak kalkulatu dira kostu subentzionario totalaren gaineko ehuneko baten arabera.

Jarduketa bakoitzari dagozkion kostu subentzionarioak kalkulatzeko metodologia eranskin honetan ezartzen da programa bakoitzerako, eta kostu hautagarritzat **I. ERANSKINEAN** deskribatutako kostu hautagarrien batura hartuko da. **II. ERANSKINEAN** ezartzen denaren arabera justifikatuko dira kostu hautagarriak.



1. pizgarri-programa: kostu subentzionagarriaren definizioa eta laguntzaren kalkulua.

1. pizgarri-programaren jarduketetarako kostu subentzionagarria kostu hautagarriaren berdina ken instalazio baliokidearen kostua izango da, 651/2014 Erregelamenduko 41.6.b) artikulua aplikatuz. Instalazio konbentzional baliokidearen kostua antzekoa izanik ingurumena hainbeste zaintzen ez duen proiektu baten erreferentzia egiten du, zeina laguntzarik gabe modu sinesgarrian egin zitekeen.

Horrenbestez, produkzio termikoko instalazioaren Ksu kostu subentzionagarri unitarioari jarraikiz zehaztuko da eskaera bakoitzerako laguntzaren kalkulua:

$$Ksu = K_hu - K_{uf}$$

Formularen azalpena:

- K_hu : Produkzio-instalazioaren kostu hautagarria, €/kW-tan, AI.2 eranskineko kostu hautagarri totala benetan instalatutako produkzio-potentziarekin zatituta (P_s) lortuz.
- K_{uf} : Erreferentziako instalazioaren kostu unitarioa, €/kW-tan.

Kostu subentzionagarri unitarioa aurreko adierazpenaren arabera kalkulaturako balio horrekin bat etorriko da, betiere ez baditu gehieneko kostu subentzionagarrien mugak gainditzen, jarduketa guztietarako ondorengo taulan definitutakoak, eta kasu horretan Ksu kostu subentzionagarri unitarioa balio horrek (K_{sum}) mugatuko du.

Ondorengo taulan aurkezten dira K_{uf} erreferentziako instalazioaren kostu unitarioa, K_{hum} kostu hautagarri unitario maximoa eta K_{sum} kostu subentzionagarri unitario maximoa teknologia berriztagarriagatiko jarduketa subentzionagarri bakoitzerako eta beroaren edota hotzaren auzo-mikrosareetarako.

Teknologia berriztagarriagatiko jarduketa subentzionagarriak

Jarduketa subentzionagarriak	K_{hum} kostu hautagarri unitario maximoa (€/kW)	K_{uf} erreferentziako instalazioaren kostu unitarioa (K_{uf}) (€/kW)	K_{sum} kostu subentzionagarri unitario maximoa (€/kW)
Instalazio geotermikoak edo hidrotermikoak	2.130	130	2.000
Instalazio aerotermikoak	1.130	130	1.000
Eguzki instalazio termikoa ⁽¹⁾	1.070	0	1.070
Biomasa errekontza-ganbera ⁽²⁾	100	50	50
Biomasa-galdarak eta toki-berokuntzako aparatuak ⁽²⁾	500	70	430
Banaketako tutuen sare berrien garapena eta truke-azpiestazioak edo egungoak handitzea sorkuntza-zentral berrietarako edo daudenetarako ⁽³⁾	450	0	450

⁽¹⁾ Hotza produzitzeko sistemak energia termikoaren bidez –hala nola absortzioko, adsortzioko eta abarreko makinak– inkorporatzen badira, % 50ean gehituko da kostu subentzionagarri unitario maximoa.

⁽²⁾ Erregai % 100 berriztagarria izango da eta ez da baimenduko kimikoki tratatuak izan diren zuretatik datozen erregaiak erabiltzea.

⁽³⁾ Truke-potentzian neurtuko da potentzia.



Produkzio termikoko instalazioaren kostu subentzionagarri totala honako hau izango da:

$$\text{Kostu subentzionagarri totala (€)} = Ksu \times Ps$$

- Non Ps KW-tan benetan instalatutako produkzio termikoko potentzia den, honako kontsiderazio hauek kontuan izanda:
 - Aerotermiako, geotermiako eta hidrottermiako jarduketa estandarretarako, fitxa teknikitik edo fabrikatzailearen zehaztapenetatik ateratako berokuntza-potentzia izango da instalazioaren Ps potentzia, UNE-EN 14511 arauaren entseguei jarraikiz, hau da, bero-ponpa geotermikoetarako B0W35 berokuntza-potentziaren balioa hartuko da, eta bero-ponpa aerotermikoetarako, berriz, A7W35 berokuntza-potentziaren balioa. Ps potentzia arau horretan oinarrituta justifikatzea ezinezkoa denean, eskumeneko teknikari batek edo enpresa instalatzaile batek sinatutako txosten bat aurkeztuko da, potentzia hori justifikatzeko.
 - Eguzki-instalazio termikoen kasuan, produkzio termikoko potentzia kalkulatu da 0,7 kW/m²-ko ratioa kontuan hartuz kaptadorearen area totalarekiko.
 - Biomasa-jarduketetarako, sorkuntza termikoko ekipo(ar)en potentzia izendatua izango da produkzio termikoko egiazko instalazioa.

Jarduketa tipologia bat baino gehiago partekatzen dituzten produkzio termikoko zentralen hibridazioen kasu partikularrean, honela ezarriko da kostu total subentzionagarri unitario maximoaren kalkulua:

$$C_{sum} = \frac{\sum_{i=1}^{i=n} (P_i \times C_{sui})}{\sum_{i=1}^{i=n} P_i}$$

Formularen azalpena:

- C_{sum} : Teknologien konbinazioaren kostu subentzionagarri unitario maximoa.
- P_i : «i» teknologia berriztagarriaren instalazioaren zatiari dagozkion produkzio termikoko ekipoen potentzia izendatua.
- C_{sui} : «i» teknologia berriztagarriko instalazioen kostu subentzionagarri maximoa teknologia berriztagarriko jarduketa subentzionagarrien taularen arabera.

Beroaren edota hotzaren auzo-mikrosareetarako, instalazioaren kostu subentzionagarri totalak dagokion teknologiaren produkzio termikoko zentralaren kostu subentzionagarriaren kostuaren gehi banaketa-sarearen eta trukatzeko edo handitzeko azpiestazioaren kostu subentzionagarriaren batura barnean hartuko ditu, produkzioko edota trukeko gehieneko potentziako 1 MW-raino, honako formula honi jarraikiz:

$$KsuT = KsuA \times PA + KsuG \times PG + KsuET \times PST + KsuB \times PB + KsuR \times PR$$

Formularen azalpena:

- $KsuA$: baliorik txikiena proiektuaren kostu subentzionagarri unitarioaren eta «Aerotermita» tipologiako kostu subentzionagarri unitario maximoaren artean.



- PA: «Aerotermita» tipologiarako proiektu-potentzia.
- KsuG: baliorik txikiena proiektuaren kostu subentzionario unitarioaren eta «Geotermita» tipologiarako kostu subentzionario unitario maximoaren artean.
- PG: «Geotermita» tipologiarako proiektu-potentzia.
- KsuET: baliorik txikiena proiektuaren kostu subentzionario unitarioaren eta «Eguzki Termikoa» tipologiarako kostu subentzionario unitario maximoaren artean.
- PET: «Eguzki Termikoa» tipologiarako proiektu-potentzia.
- KsuB: baliorik txikiena proiektuaren kostu subentzionario unitarioaren eta «Biomasa» tipologiarako kostu subentzionario unitario maximoaren artean.
- PB: «Biomasa» tipologiarako proiektu-potentzia.
- KsuR: baliorik txikiena proiektuaren kostu unitario subentzionarioaren eta «Banaketako tutuen sare berrien garapena eta truke-azpiestazioak edo egungoak handitzea sorkuntza-zentral berrietarako edo daudenetarako» tipologiarako kostu subentzionario unitario maximoaren artean.
- PR: «Banaketako tutuen sare berrien garapena eta truke-azpiestazioak edo egungoak handitzea sorkuntza-zentral berrietarako edo daudenetarako» tipologiarako proiektu-potentzia.

Handitze partzialen kasuan, sorkuntza-zentralarena edo banaketa-sarearena soilik, egin beharreko jarduketari dagokion batugaia soilik hartuko da kontuan kostu subentzionario totala zehazteko.


Zenbait teknologiatako produkzio-zentralak hibridatzen dituzten beroaren edota hotzaren mikrosareen kasu partikularrean, bakoitzari dagokion potentziagatik teknologia bakoitzaren produkzio termikoko zentralaren kostu subentzionario gehi sare edo trukatzeko azpiestazio berriaren edo dagokion potentziagatik daudenak handitzeko kostu subentzionarioaren batura izango da kostu subentzionario totala, aplikatzekoa bada.

Edozein kasutan ere, hibridazioan parte hartzen duten teknologia desberdinetako zentral guztien potentzien baturak, gehieneko laguntza kalkulatzeari begira, ezin izango du produkzio-potentziako 1 MW-ko muga gainditu, eta, horrekin batera, trukatzeko azpiestazio guztien –berrien edo egungoen– baturak ere ezin izango du 1 MW-ko muga hori gainditu. Hibridazioa eguzki termikoko tipologiarekin bada, instalazio horren produkzio-potentzia ez da zenbatuko 1 MW-ko muga horri begira.

2. pizgarri-programa: kostu subentzionarioaren definizioa eta laguntzaren kalkulua.

2. pizgarri-programen jarduketetarako kostu subentzionarioa kostu hautagarriaren berdina izango da, sektore publikoa –zeinak ez duen merkatuan ondasunak edo zerbitzuak eskaintzea dakarren jarduera ekonomikorik egiten– ez baitago estatu-laguntzen araudiaren mende.

Horrenbestez, eskaera bakoitzerako laguntzaren kalkulua produkzio termikoko instalazioaren kostu hautagarri unitarioaren gain zehaztuko da ($Ksu = Khu$), betiere kostu unitario subentzionario maximoaren muga gainditzen ez bada, eta ondorengo taulan definituta daude teknologia berriztagarri bakoitzerako zein hotzaren edo beroaren auzo-mikrosareetarako, kasu horretan honako balio honek mugatuko duelarik.



Teknologia berriztagarriagatiko jarduketa subentzionagarriak

Jarduketa subentzionagarriak	Ksum kostu subentzionagarri unitario maximoa edo Khum kostu hautagarri unitario maximoa (€/kW)
Instalazio geotermikoak edo hidrotermikoak	2.000
Instalazio aerotermikoak	1.000
Eguzki instalazio termikoa ⁽¹⁾	1.070
Biomasa errekontza-ganbera ⁽²⁾	100
Biomasa-galdarak eta toki-berokuntzako aparatuak ⁽²⁾	500
Banaketako tutuen sare eta truke-azpiestazio berriak garatzea, edo daudenak handitzea sorkuntza-zentral berrietarako edo daudenetarako ⁽³⁾	450

⁽¹⁾ Hotza produzitzeko sistemak energia termikoaren bidez –hala nola absortzioko, adsortzioko eta abarreko makinak– inkorporatzen badira, % 50ean gehituko da kostu subentzionagarri unitario maximoa.

⁽²⁾ Erregaiak % 100 berriztagarria izango da eta ez da baimenduko kimikoki tratatuak izan diren zuretatik datozen erregaiak erabiltzea.

⁽³⁾ Truke-potentzian neurtuko da potentzia.

Produkzio-instalazioaren kostu subentzionagarri totala honako hau izango da:

$$\text{Kostu subentzionagarri totala} = Ksu \times Ps$$

- Non Ps KW-tan benetan instalatutako produkzio termikoko potentzia den, 1. programan azaldutako kontsiderazio hauek kontuan izanda:

Jarduketa tipologia bat baino gehiago partekatzen dituzten produkzio-zentralen hibridazioen kasu partikularrean, 1. pizgarri-programan zehaztutako adierazpenarekin aplikatuko da kostu total subentzionagarri unitario maximoaren kalkulua:

Beroaren edota hotzaren auzo-mikrosareetarako, 1 pizgarri-programan barne hartutako formularen arabera zehaztuko da instalazioaren kostu subentzionagarri totala.

AIII.3 Laguntzen zenbatekoa

Bi pizgarri-programetarako, eman beharreko laguntzaren zenbatekoa oinarritzko laguntzaren eta kasu bakoitzari egokitu ahalko litzaiokeen laguntza gehigarriaren batura izango da:

1. Oinarritzko laguntza.

1. pizgarri-programarako, kostu subentzionagarriaren gaineko portzentajezko 35 puntu izango da energia berriztagarri termikoko instalazioari eman beharreko zenbatekoa. Laguntzaren intentsitatea portzentajezko 10 puntuan gehitu ahal izango da enpresa txikiei emandako laguntzen kasuan eta portzentajezko 5 puntuan, aldiz, laguntzak enpresa ertainei bideratuta badaude.



Ondoko taulan, laguntzen ehunekoak laburbiltzen dira:

	% oinarrizko laguntza enpresa handia	% oinarrizko laguntza enpresa ertaina	% oinarrizko laguntza enpresa txikia
1. pizgarri-programa	% 35	% 40	% 45

651/2014 Erregelamenduaren I. eranskineko 1. artikulua arabera, bere forma juridikoa edozein izanik ere, jardura ekonomiko bat gauzatzen duten edozein erakunde gisa definitzen da enpresa. Bereziki, enpresatzat hartuko dira, bakarka edo familiakoekin, artisautzako edo bestelako jarduerak egiten dituzten entitateak, baita erregulartasunez jardura ekonomikoren bat gauzatzen duten pertsona sozietateak eta elkarteak ere.

Enpresa-tamaina zehazteari begira, 2003ko maiatzaren 6ko batzordearen gomendioaren eranskinaren 2. artikuluan jasotako definizioa hartuko da kontuan (2003/361/EE), edo mikroenpresei, eta enpresa txiki eta ertainei definizioari buruzko 651/2014 Erregelamenduaren I. eranskinean jasotakoa.

2. pizgarri-programarako, kostu subentzionagarriaren gaineko portzentajezko 70 puntu izango da energia berriztagarri termikoko instalazioari eman beharreko zenbatekoa.

2. Laguntza gehigarria.

Jarduketak erronka demografikoko udalerrietan gauzatzen direnean, portzentajezko 5 puntuan gehituko da kostu subentzionagarriaren gaineko laguntza aplikagarria. Programa honi begira, erronka demografikoko udalerritzat hartzen dira 5.000 biztanlerainoko udalerriak, baita 20.000 biztanlerainoko udalerrri ez-urbanoak ere baldin eta beren biztanle-entitate berezi guztiek, gehienez ere, 5.000 biztanle badituzte.

Udalerrri batek erronka demografikoko udalerrriaren kontsiderazioa duen zehazteko, Energia Dibertsifikatzeko eta Aurrezteko Institutuak laguntza gehigarria bildu daitezkeen udalerrien zerrenda dauka bere egoitza elektronikoan.

Zerrenda horrek informazio-izaera izango du eta Garraio, Mugikortasun eta Hiri Agenda Ministerioaren «Hiri Eremuetako Atlas Estatistikoari» dagozkion argitalpen ofizialen eta abenduaren 15eko 1147/2020 Errege Dekretuaren arabera araututako udal-eroldaren berrikuspenaren ondoriozko biztanleria-zifren mende egongo da.